

Data: 19.02.2025

PROCESVERBAL- Tipi i kontratës - Mallra

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

**OBJEKTI I PROCEDURËS: “BLERJE DISA ARTIKUJ PËR UNIFORMË
VESHMBATHJE TË FORCAVE TË ARMATOSURA” e ndarë në dy lote:**

LOTI 1: BLERJE ARTIKUJ VESHMBATHJE

LOTI 2: BLERJE ARTIKUJ KËPUCË

**KODI PËRKATËS NË FJALORIN E PËRBASHKËT TË PROKURIMIT(FPP) 35811300-
5 Uniforma ushtarake**

VLERA E FONDIT LIMIT TOTAL TË KONTRATËS: 250,791,967 (dyqind e pesëdhjetë million e shtatëqind e nëntëdhjetë e një mijë e nëntëqind e gjashtëdhjetë e shtatë) lekë pa TVSH dhe 2,531,206.77 (dy milion e pesëqind e tridhjetë e një mijë e dyqind e gjashtë pikë shtatëdhjetë e shtatë) Euro pa TVSH.

VLERA E FONDIT LIMIT PËR LOTIN 1: 129,595,800 (njëqind e njëzet e nëntë milion e pesëqind e nëntëdhjetë e pesë mijë e tetëqind) lekë pa TVSH dhe 1,307,991.52 (një milion e treqind e shtatë mijë e nëntëqind e nëntëdhjetë e një pikë pesëdhjetë e dy) Euro pa TVSH.

VLERA E FONDIT LIMIT PËR LOTIN 2: 121,196,167 (njëqind e njëzetë e një milion e njëqind e nëntëdhjetë e gjashtë mijë e njëqind e gjashtëdhjetë e shtatë) lekë pa TVSH dhe 1,223,215.25 (një milion e dyqind e njëzetë e tre mijë e dyqind e pesëmbëdhjetë pikë njëzetë e pesë) Euro pa TVSH.

(Kursi i këmbimit sipas Bankës së Shqipërisë me datë 18.02.2025 është 99.08 lekë)

Në bazë të nenit 21, pika 2, të Ligjit nr.162/2020 “Për prokurimin publik” (të ndryshuar) nenit 2, pika 2/c dhe nenit 78, pika 2, të VKM-së nr. 285, datë 19.05.2021 “Për miratimin e rregullave të prokurimit publik” (i ndryshuar), Autoriteti/Enti Kontraktor, Operatori i Blerjeve të Perqendruara sh.a, në rolin e Organit Qëndror Blerës, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

LOTI 1: BLERJE ARTIKUJ VESHMBATHJE

Shtojca 9

[Shtojcë për t’u plotësuar nga Autoriteti/Enti Kontraktor]

FORMULAR I I KRITEREVE TË PËRZGJEDHJES/KUALIFIKIMIT

1. KRITERET E PËRGJITHSHME TË PËRZGJEDHJES/ KUALIFIKIMIT

Ofertuesi deklaron se:

- a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;
- b) nuk është në proces falimentimi (status aktiv);
- c) nuk është dënuar për ndonjë vepër penale, në përputhje me nenin 76/1 të LPP-së;
- ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendimi i gjykatës i formës së prerë për çdo vepër penale, të përcaktuar në nenin 76/1 të LPP-së;
- d) nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi;
- dh) nuk ka pagesa pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;
- e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.
- f) nuk është në kushtet e konfliktit të interesit, sipas legjislacionit në fuqi;
- g) ushtron veprimtarinë në përputhje me legjislacionin përkatës mjedisor, social dhe të punës;
- gj) ka paraqitur një Ofertë të Pavarur, sipas kërkesave të legjislacionit në fuqi;
- h) kryen aktivitetin në përputhje me kërkesat e legjislacionit në fuqi.

i) nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë/kanë qenë në këtë cilësi në një operator ekonomik të përjashtuar nga e drejta për të fituar kontrata publike, me vendim të Agjencisë së Prokurimit Publik, gjatë kohës që ky vendim është në fuqi.

j) ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi.

k) zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë. Ky informacion kërkohet për Operatorët Ekonomikë, të regjistruar në regjistrin tregtar shqiptar

Këto kritere duhet të përmbushen me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, **sipas Shtojcës 10.**

Në rast bashkimi të operatorëve ekonomikë, secili anëtar i grupit duhet të paraqesë Vetëdeklarimin e lartpërmendur.

Në rast se operatori ekonomik ofertues do të mbështetet në kapacitetet e subjekteve të tjera, Vetëdeklarimi i lartpërmendur duhet të paraqitet edhe nga subjekti mbështetës.

Kriteret e Përgjithshme të Pranimit nuk duhet të ndryshohen nga Autoritetet/Entet Kontraktore.

Në çdo rast, Autoriteti/EntiKontraktor ka të drejtë të kryejë verifikimet e nevojshme për vërtetësinë e informacionit të deklaruar nga Operatori Ekonomik, për sa më sipër.

➤ Nëse oferta paraqitet nga një bashkim Operatorësh Ekonomikë, do të paraqitet :

Marrëveshje bashkëpunimi ndërmjet Operatorëve Ekonomikë, ku caktohet përfaqësuesi, përqindja e pjesëmarrjes në bashkim, dhe elementët që merr përsipër të realizojë secili prej anëtarëve të bashkimit.

➤ Nëse, një operator ekonomik dëshiron të mbështetet në kapacitetet e subjekteve të tjera, ai i vërteton autoritetit ose entit kontraktor se do të ketë në dispozicion burimet e nevojshme, duke dorëzuar një angazhim me shkrim të këtyre subjekteve për këtë qëllim.

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. *Formularin Përmbledhës të Vetëdeklarimit, sipas shtojcës 10;*

b. *Sigurimin e Ofertës, sipas Shtojcës 5;*

Argumentimi: Kriteret e mesiperme jane vendosur ne perputhje me Nenin 82 “Formulari permbledhes i vetdeklarimit” dhe Neni 83 “Sigurimi i ofertes”, te Ligjit Nr.162/2020 “Për Prokurimin Publik” i ndryshuar si dhe ne mbeshtetje te nenit 26, nenit 30, pika 1, te VKM-së Nr.285, datë 19.5.2021 “Për Miratimin e Rregullave të Prokurimit Publik i ndryshuar: citojme Neni 83 i LPP “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”, Neni 82, i LPP “1. Bashke me dorezimin e kerkesave per pjesemarrje ose te ofertave, autoritetet ose entet kontraktore pranojne si prove paraprake ne vend te disa vertetimeve te leshuara nga autoritetet publike ose pale te treta, formularin permbledhes te vetdeklarimit, sipas parashikimeve te ketij ligji. Permbajtja e ketij formulari percaktohet ne rregullat e prokurimit publik”.

2. Ofertuesi duhet të dorëzojë:

2.1 Kapacitetin profesional të operatorëve ekonomikë:

Referuar pikës 1 të shtojcës 9, ofertuesi duhet të deklarojë se përmbush kriteret e përgjithshme të pranimit/kualifikimit. Këto kriteret duhet të plotësohen me dorëzimin e vetëdeklaratës me shkrim të subjektit, në ditën e hapjes së ofertës, sipas Shtojcës 10.

Argumentimi: Kërkesa e mësipërme bazohet në nenin 76 të ligjit nr. 162, datë 23.12.2020 “Për prokurimin publik” të ndryshuar dhe nenit 25 të VKM-se nr. 285, datë 19.05.2021 "Për miratimin e Rregullave të Prokurimit Publik" të ndryshuar.

2.2. Kapaciteti ekonomik dhe financiar:

1. Për të provuar se operatorët ekonomikë kanë kapacitetin e nevojshëm ekonomik dhe financiar për të zbatuar kontratën, duhet të paraqesin vërtetim për xhiron vjetore për vitet financiare (2021, 2022, 2023), ku vlera e xhiros për të paktën një nga vitet e periudhës së kërkuar duhet të jetë **jo më e vogël se vlera e fondit limit të lotit 1**. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Argumentimi: Kërkesa e mësipërme është në nenin 77, pika 3, të ligjit nr. 162, datë 23.12.2020 “Për prokurimin publik” të ndryshuar; nenin 42, nenin 43 pika 2/a dhe nenin 47 të VKM Nr. 285, datë 19.05.2021 “Për miratimin e rregullave të prokurimit publik” të ndryshuar. Përcaktimi i viteve të kërkuara për paraqitjen e vërtetimit të xhiros vjetore është bërë bazuar në pikën 2 të nenit 61, të Ligjit nr.29/2023 “Për tatimin mbi të ardhurat”, të ndryshuar ku përcaktohet se: “Deklarata tatimore vjetore dorëzohet në organin tatimor jo më vonë se data 31 mars e vitit pasardhës të vitit tatimor për të cilin dorëzohet deklarata”. Vendosja e këtij kriteri bëhet me qëllim krijim e bindjes tek Autoriteti Kontraktor, për aftësinë ekonomike dhe financiare të operatorëve ekonomik ofertues, duke vërtetuar nëpërmjet dokumenteve të kërkuara, se zotërojnë kapacitet ekonomik dhe financiar për të përmbushur kontratën sic është parashikuar nga Autoriteti Kontraktor.

Përcaktimi i vlerës së kërkuar argumentohet si më poshtë: Vlera e kërkuar jo më e vogël se vlera e fondit limit të lotit 1 është në përputhje me përcaktimet në nenin 43 pika 2/a të VKM nr. 285, datë 19.05.2021 “Për miratimin e rregullave të prokurimit publik” të ndryshuar, ku përcaktohet se Vlera e xhiros minimale vjetore që u kërkohet operatorëve ekonomikë nuk mund të tejkalojë :a) dyfishin e vlerës së përlllogaritur të kontratës ose lotit, në procedurat e prokurimit mbi kufirin e lartë monetar”. Në rastin konkret Njësia e Prokurimit ka konsideruar të arsyeshme që vlera e xhiros për të paktën një nga vitet e periudhës së kërkuar duhet të jetë jo më e vogël se vlera e fondit limit të lotit 1 me qëllim nxitjen e pjesëmarrjes së operatorëve ekonomikë në procedurat e prokurimit publik, nxitjen e konkurrencës ndërmjet operatorëve ekonomikë si edhe të sigurimin e një trajtimi të barabartë dhe jodiskriminues për të gjithë ofertuesit e mundshëm ekonomikë. Marrë shkas nga fakti që referuar përcaktimit të bërë në nenin 43 pika 2/a, Autoriteti Kontraktor nuk mund të tejkalojë dyfishin e vlerës së përlllogaritur të vlerës së lotit në kërkesën për kualifikim, por në respektim të parimeve ligjore dhe në përmbushjen e qëllimeve të ligjit të prokurimit si më sipër cituar ka tagrin të kërkojë një vlerë më të ulët se dyfishi i vlerës së përlllogaritur të kontrates/lotit për përmbushjen e vlerës së xhiros minimale vjetore. Kjo vlere është kërkuar duke pasur në konsideratë objektin e kontratës, natyrën dhe volumin e saj, që t'i shërbejnë autoritetit kontraktor për njohjen e gjendjes dhe kapaciteteve të operatorit ekonomik, të cilët duhet të vërtetojnë se zotërojnë kapacitetet e nevojshme ekonomike dhe financiare, gjithçka në funksion të realizimit me sukses të kontratës

2. Operatorët ekonomikë duhet të paraqesin kopje të çertifikuara të bilanceve të viteve: (2021, 2022, 2023) të paraqitura pranë autoriteteve përkatëse tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese. Kriteri konsiderohet i përmbushur nëse në dy bilance të njëpasnjëshme nuk ka raport negative ndërmjet aktivitetit dhe pasivitetit.

Argumentim: Kërkesa e mësipërme është përcaktuar bazuar në nenin 77, pika 3, të ligjit nr. 162, datë 23.12.2020 “Për prokurimin publik” të ndryshuar; nenit 43, pika 4, të VKM nr. 285, datë 19.05.2021 “Për miratimin e rregullave të prokurimit publik”, të ndryshuar, ku përcaktohet se: “Nëse vlerësohet, autoriteti/enti kontraktor mund të kërkojë që operatorët ekonomikë të japin informacione në bilancet e tyre vjetore, për një periudhë maksimumi tre vitet e fundit financiare, që të tregojnë raportet, ndërmjet aktivitetit dhe pasivitetit. Nëse kërkohen një ose dy bilance, kërkesa konsiderohet e përmbushur nëse në bilancin/et e kërkuara nuk ka raport negativ ndërmjet aktivitetit dhe pasivitetit”, si dhe në pikën 5 të nenit 61, të Ligjit nr.29/2023 “Për tatimin mbi të ardhurat”, të ndryshuar ku përcaktohet se:Tatimpaguesit që mbajnë kontabilitet sipas kërkesave të ligjit përkatës, paraqesin deklaratën vjetore së bashku me pasqyrat financiare, si dhe të dhëna të tjera të përcaktuara në udhëzimin e ministrit përgjegjës për financat për zbatimin e këtij ligji.”, si dhe kërkesave të ligjit Nr. 25/2018 “Për kontabilitetin dhe pasqyrat financiare” të ndryshuar dhe nenit 14 të Nr. 10 091, datë 5.03.2009 “Për auditimin ligjor, organizimin e profesionit të audituesit ligjor dhe të kontabilistit të miratuar” të ndryshuar. Me anë të këtij kriteri, për paraqitjen e bilanceve, është vendosur duke pasur në konsideratë objektin e kontratës, natyrën dhe volumin e

saj, që t'i shërbejnë autoritetit kontraktor për njohjen e gjendjes dhe kapaciteteve të operatorit ekonomik, të cilët duhet të vërtetojnë se zotërojnë kapacitetet e nevojshme ekonomike dhe financiare, gjithçka në funksion të realizimit me sukses të kontratës.

2.3 Kapaciteti teknik:

1. Operatori ekonomik duhet të paraqesë dëshmi për furnizimet e mëparshme të ngjashme të kryera gjatë 3 (tre) viteve të fundit nga data e shpalljes së njoftimit të kontratës, **në vlerën jo më pak se 40% e vlerës së fondit limit të Lotit 1**. Këto furnizime të mëparshme, të ngjashme, duhet të vërtetohen me dokumentacionin si më poshtë:

- a. Kur furnizimet e ngjashme janë realizuar me ente publike, operatori ekonomik duhet të paraqesë vërtetimin e lëshuar nga enti publik për përmbushjen me sukses të kontratës dhe/ose faturat tatimore të shitjes të plotësuara sipas kërkesave të legjislacionit në fuqi dhe të deklaruara në organet tatimore, ku të shënohen datat, shumat dhe sasi të mallrave të furnizuara.
- b. Kur furnizimet e ngjashme janë realizuar me subjekte private, operatori ekonomik duhet të paraqesë faturën përkatëse tatimore të shitjes të plotësuara sipas kërkesave të legjislacionit në fuqi dhe të deklaruara në organet tatimore, ku të shënohen datat, shumat dhe sasi të mallrave të furnizuara.

Argumentimi: Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar nëni 40 pika 4, të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar, ku përcaktohet se: “Për të provuar përvojën e mëparshme, autoriteti/enti kontraktor kërkon dëshmi për realizimin me sukses të një ose disa kontratave të mëparshme, të ngjashme, të kryera gjatë tre viteve të fundit. Në çdo rast, vlera totale e kërkuar duhet të jetë në një vlerë jo më të madhe se 40% të vlerës së përlogaritur të kontratës, që prokurohet dhe që është realizuar gjatë tre viteve të fundit, nga data e shpalljes së njoftimit të kontratës.” Me anë të këtij kriteri kërkohet që operatorët ekonomikë të dëshmojnë që kanë përvojën e ngjashme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 40 % të vlerës së fondit limit të lotit 1. Përqindja e kërkuar është konsideruar e nevojshme për të provuar besueshmërinë dhe provojën e operatorëve ekonomik ofertues, në ofrimin e mallrave të ngjashëm me objektin e prokurimit për realizimin me sukses të kontratës.

2. Operatori ekonomik për realizimin e objektit të prokurimit duhet të ketë minimalisht 50 (pesëdhjetë) persona të punësuar, të cilët duhet të figurojnë në listpagesën e shoqërisë për 3 (tre) muajt e fundit të deklaruar nga data e hapjes së ofertave.

- a. Vërtetim të lëshuar nga Administrata Tatimore për 3 muajt e fundit të deklaruar nga data e hapjes së ofertave.

- b.** Listpagesat e punonjesve te konfirmuara nga autoritetet perkatese sipas formatit qe kerkohet nga legjislacioni ne fuqi per 3 muajt e fundit te deklaruar.

Shenim: Kriteri nr.2 konsiderohet i përbushur me plotësimin e formularit të vetëdeklarimit shtojca 10. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” i ndryshuar dhe nenit 40, pika 5/b dhe 5/c, të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar me anë të këtij kriteri kërkohet që operatorët ekonomikë të dëshmojnë që kanë fuqinë minimale punëtore, të nevojshme për ekzekutimin e objektit të prokurimit, të nevojshme për ekzekutimin e objektit të prokurimit, që ka në dispozicion apo që mund t’i vihen në dispozicion operatorit ekonomik për të përbushur kontratën.

Numri i punonjësve dhe qëndrueshmëria e tyre në punë me kohështirje tre mujore nga data e zhvillimit të tenderit, tregon besueshmëri për autoritetin që, operatori do të përbushë kontratën. Dëshmia e kërkuar për numrin e fuqisë punëtore të operatorit ekonomik e nevojshme për ekzekutimin e objektit të kontratës, është dokument që vërteton kapacitetin teknik dhe profesional të operatorit, për sa kohë janë në përpjesëtim me natyrën dhe përmasat e kontratës. Deklarimi dhe regjistrimi i punonjësve në regjistrin e sigurimeve është një detyrim ligjor i punëdhënësit e parashikuar nga Kodi i Punës, për rrjedhojë vërtetimi i lëshuar nga administrata tatimore e shoqëruara me listpagesat me këtë kohështirje është dokument vërtetues për qëndrueshmërinë e të punësuarve, përvojën e tyre, dhe janë në përpjesëtim me natyrën dhe përmasat e kontratës. Punësimi i një numri të caktuar, përveç besueshmërisë së operatorëve ekonomik, si një nga kërkesat themelore të kualifikimit, përpiket të kufizojë edhe problematikat sociale dhe shmangien e informalitetit në tregun e punës.

Po ashtu është një tregues i kualifikimit dhe eksperiencës që duhet të ketë kjo kategori e punonjësve. Vendosja e kriterit për një punësim të paktën 50 punonjës duke përfshirë dhe stafin teknik, është në përputhje me volumin e punës, natyrën e prodhimit të mallrave objekti prokurimi. Kriteri për kualifikim është vendosur që t’i shërbejë autoritetit për të njohur gjendjen e kapaciteteve të operatorëve të cilët nëpërmjet dokumentacionit të vërtetojnë se zotërojnë, kapacitetet teknike dhe profesionale, personelin e nevojshëm, si dhe kapacitetet organizative, gjithçka në funksion të realizimit me sukses të kontratës.

3.Operatori ekonomik për realizimin e objektit të prokurimi duhet të ketë staf teknik me kualifikimet si më poshtë, të cilët duhet të figurojnë në listpagesën e shoqërisë për 3 (tre) muajt e fundit të deklaruar nga data e hapjes së ofertave;

Nr.	Profesioni	Numri i punonjesve
1	Inxhinier tekstili	1
2	Stilist/Modelist veshjesh	1
3	Pergjegjes/drejtues linje	1
4	Prestarë veshjesh/teknik prestarie	1
5	Rrobaqepës për qepje	30

6	Specialist hekurosje	1
7	Shofer/mirembajtes	1
8	Punetor shperndarje	2

Për punonjësit me profesionet e mësipërme, Operatori Ekonomik duhet të paraqesë:

a) Për inxhinierin e tekstilit te paraqitet:

- Diplomën, që të vërteton kualifikimin profesional të mësipërm.
- Kontrate pune e vlefshme
- Inxhinieri i tekstilit duhet të kenë minimalisht 2 (dy) vite eksperiencë pune në këtë profesion, vërtetuar me librezë pune ose cdo dokument tjetër të barazvlefshëm.

b) Për stilist/modelist veshjesh, prestarë veshjesh/teknik prestarie dhe pergjegjes/drejtues linje te paraqitet për secilin:

- Diplome/dëshmi//certifikate kualifikimi profesional
- Kontrate pune e vlefshme.
- Stilist/modelist veshjesh, prestarë veshjesh/teknik prestarie dhe pergjegjes/drejtues linje duhet të kenë minimalisht 1 (nje) vit eksperiencë pune në këtë profesion, vërtetuar me librezë pune ose cdo dokument tjetër të barazvlefshëm.

c) Për rrobaqepesin te paraqitet:

- Kontrate pune e vlefshme.
- Rrobaqepësi duhet të ketë minimalisht 1 (një) vit eksperiencë pune në këtë profesion, vërtetuar me librezë pune ose cdo dokument tjetër të barazvlefshëm.

ç) Specialist per hekurosje te paraqitet:

- Kontrate pune e vlefshme.
- Specialist per hekurosje duhet të ketë minimalisht 1 (një) vit eksperiencë pune në këtë profesion, vërtetuar me librezë pune ose cdo dokument tjetër të barazvlefshëm.

d) Për punonjesit per shperndarje, te paraqitet:

- Kontratë pune e vlefshme.

dh) Per punonjesit shofer/mirembajtes te paraqitet:

- Leje drejtimi mjeti e vlefshme.
- Kontrate pune e vlefshme.

-Listëpagesat e punonjësve për 3 muajt e fundit, të deklaruar në organet tatimore nga data e hapjes së ofertave, sipas formës së parashikuar nga legjislacioni tatimor në fuqi.

Shënim: Kriteri nr.2 konsiderohet i permbushur me plotesimin e formularit te vetedeklarimit shtojca 10. Dokumentet e kerkuara me siper do te paraqiten ne rast se operatori kualifikohet i pari, por perpara publikimit te njoftimit te fituesit dhe nisjes se afateve te ankimit ose nese kerkohen sqarime nga autoriteti kontraktor.

Argumentimi: Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 5/b/c, të VKM nr. 285, datë 19.05.2021, “Për miratimin e Rregullave të Prokurimit Publik” të ndryshuar; ligjit nr. 15/2017 “Për arsimin dhe formimin profesional ne R.Sh. P” i ndryshuar; VKM nr. 514, date 20.09.2017 “Per miratimin e listës kombëtare te profesioneve te rishikuar (LKP)”. Me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës.

Nisur nga lloji i artikujve objekt prokurimi, vlerës së fondit limit, sasisë, specifikimeve teknike të tyre të përcaktuara me Vendim të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”, disa prej mallrave nuk mund të gjenden lirisht në treg, por duhet të prodhohen enkas për këtë kontratë, është e domosdoshme që operatori ekonomik të ketë një numër jo më të vogël se 50 punonjës në stafin e tij, prej të cilëve edhe punonjës të kualifikuar për realizimin me sukses të kontratës. Marrë në konsideratë afatin e lëvrimit të mallit, që është 3 (tre) muaj nga data e lidhjes së kontratës dhe llojin e mallit që kërkohet është i nevojshëm që operatori ekonomik pjesëmarrës të ketë në dispozicion punonjësit e kërkuar për realizimin e kontratës.

Stafi kryesor i kërkuar ka këto detyra kryesore:

Inxhinieri i Tekstilit është një inxhinier që në fushën e tij përdor parimet shkencore dhe inxhinierike për të prodhuar produkte tekstili sic janë veshjet. Një inxhinier tekstili është një profesionist që kërkon edhe studion materialet e tekstilit, duke përfshirë fibrat, fijet edhe pelhurat, dizenjon produkte cilësore edhe përcakton teknikë të reja prodhimi. Inxhinieri i Tekstilit mund të punojë në disa fusha që nga fabrikimi i pëlhurave dhe aksesoreve, duke përfshirë kërkim dhe zhvillim, prodhim veshjesh në të gjitha proceset, kontroll të cilësisë edhe menaxhim profesional. Ai mund të përcaktojë materialet e paperpunuara që duhen përdorur për të krijuar veshjet e duhura. Nje inxhinier tekstili mund të implementojë edhe mbikqyr proceset e kontrollit të cilësisë për të siguruar përputhshmërinë e produktit me standartet e cilësisë edhe konformitetin e tyre në specifikimet teknike të kërkuara.

Përgjegjes/drejtues linje të prodhimit të veshjeve – Detyrat dhe Përgjegjësitë: Përgjegjësi i linjës së prodhimit të veshjeve është një rol kyç në menaxhimin dhe mbikëqyrjen e procesit të prodhimit në një fabrikë tekstili. Ky pozicion siguron që prodhimi të jetë efikas, cilësor dhe në përputhje me standardet e kompanisë.

Detyrat kryesore: Planifikimi dhe organizimi i prodhimit; koordinimi i fluksit të punës në linjën e prodhimit; sigurimi që materialet dhe lëndët e para janë të disponueshme për prodhim. Mbikëqyrja dhe menaxhimi i stafit: Drejtimi dhe trajnimi i operatorëve të makinerive dhe punëtorëve të linjës; sigurimi që punëtorët ndjekin procedurat dhe standardet e punës. Kontrolli i cilësisë dhe përputhshmërisë: Inspektimi i veshjeve për defekte dhe sigurimi i standardeve të cilësisë, zbatimi i procedurave të kontrollit të cilësisë në çdo fazë të prodhimit. Mirëmbajtja e makinerive dhe siguria në punë: sigurimi që makineritë të funksionojnë në mënyrë optimale; mbikëqyrja e zbatimit të rregullave të sigurisë për të shmangur aksidentet.

Stilist/modelist dhe prestarë veshjes/teknik prestarie. Modelisti, prestari dhe punonjës të tjera të ngjashëm, krijojnë modele pune të përpikta për prodhimin e rrobave dhe tekstileve të tjera, si edhe ato prej lëkure dhe gëzofi. Ai vijëzon, pret, jep formë dhe stolis tekstile, lëkurë të lehta dhe materiale të tjera në bazë të specifikimeve për prodhimin e veshjeve, kapelave dhe kasketave, dorashkave dhe produkteve të tjera të ndryshme. Prerësi i modeleve kryen rolin e një ndërmjetësi midis stilistit dhe punuesit apo prodhuesit të tekstileve, lëkurës apo të tjera të ngjashme. Modelisti është përgjegjës për koordinimin e çdo detaji dekorativ edhe funksional ndërmjet porositesit edhe prodhuesit, duke organizuar edhe shpjeguar materialet edhe aksesorët e duhur për realizimin në përputhje me standartet e cilësisë. Ata janë personat përgjegjës për porositjen e veshjeve, materialeve bazë edhe ndihmëse. Stilistët/Modelistët janë gjithashtu përgjegjës për adaptimin e interesave të porositesit. Ata konsultojnë edhe këshillojnë prodhuesin për çdo detaj teknik, për realizimin e modeleve të kërkuara. Janë personat përgjegjës për marrjen e masave trupore të klientit edhe përshtatjen profesionale të tyre sipas kërkesës.

Prestar veshjeve/teknik prestarie. Prestaria është një proces i rëndësishëm në industrinë e tekstit dhe konfeksioneve, që përfshin prerjen e materialeve sipas modeleve të përcaktuara për prodhimin e veshjeve. Kushtet kryesore për një proces të suksesshëm të prestarisë përfshijnë: cilësia dhe lloji i materialit, materiali duhet të jetë i pastër, pa defekte si vrima, njolla ose fije të këputura dhe duhet të jetë i përshtatshëm për llojin e veshjes që do të prodhohet (p.sh., pëlhuara elastike kërkojnë teknikë të ndryshme prerjeje se materialet e ngurta). Duhet të ketë një planifikim të mirë për minimizimin e mbetjeve të materialit. Ai duhet të dijë të përdorë makineritë prerëse, ku për sasi të mëdha përdoren makina automatike prerëse.

Rrobaqepës për qepje përdor makina qepëse dhe pajisjet e duhura për prerje dhe qepje etj procese të punës të porosisë së marrë. Numri minimal prej 30 punonjësish rrobaqepës, është i domosdoshëm për të krijuar dy linja punonjësish prodhimi, sipas proceseve të punës që i ngarkohet gjithësecilit në prodhimin e produktit përfundimtar.

Specialist për hekurosje: Një specialist për hekurosje në industrinë e rrobaqepësisë, veçanërisht për uniformat ushtarake, është përgjegjës për përpunimin dhe finalizimin e veshjeve përmes proceseve të hekurosjes dhe shtypjes me avull. Ky rol është i rëndësishëm për të siguruar një pamje profesionale, për të fiksuar formën e veshjeve dhe për të përmirësuar cilësinë e tyre para paketimit dhe dorëzimit.

Personeli tjetër ndihmës si shofer/mirembajtës dhe punonjës për shpërndarjen, vijnë në ndihmë për transportin dhe shpërndarjen e mallit të kërkuar në vendin e përcaktuar nga autoriteti kontraktor përfitues. Staf i kërkuar është minimal nisur nga sasia, lloji i mallit që do të prodhohet dhe duke marrë parasysh edhe kohen e realizimit të kontratës nga data e nënshkrimit të saj.

4. Operatori ekonomik duhet të ketë të punësuar, sipas nenit 20 të Ligjit nr. 15/2019 “Për nxitjen e punësimit”, (të ndryshuar) personat si më poshtë vijon:

a) një person që i përket grupeve të përcaktuara në nenin 3, pika 4, shkronja “c”, të ligjit të sipërcituar, për 25 punonjësit e parë të ndërmarrjes;
dhe

b) nga një person shitesë, sipas grupeve të përcaktuara në nenin 3, pika 4, shkronja “c”, të ligjit të sipërcitua, për çdo 50 punonjës të tjerë të ndërmarrjes mbi parashikimet e bëra në shkronja “a” të kësaj pike.

ose

c) Punëdhënësi, i cili nuk punëson numrin e përcaktuar të personave, sipas pikës 1 të këtij neni, derdh një kontribut për llogari të Fondit Social të Punësimit në masën 100 për qind të pagës minimale në shkallë vendi për çdo muaj për çdo person që i përket grupeve të përcaktuara në nenin 3, pika 4, shkronja “c”, të këtij ligji, që ai duhet të kishte punësuar sipas këtij neni. Kontributi derdhet nga punëdhënësi dhe pasqyrohet në listëpagesën mujore të sigurimeve shoqërore dhe shëndetësore, të deklaruar në sistemin on-line të Drejtorisë së Përgjithshme të Tatimeve, institucion i cili luan rolin e agjentit tatimor për mbledhjen e kontributit.

Sqarim: Numri minimal i të punësuarve që është kërkuar për këtë lot është 50 punonjës, plotësimi i pikave të mësipërme do të përmbushet nga operatori ekonomik në varësi të numrit të punonjësve të deklaruar në organet tatimore.

Për përmbushjen e këtij kriteri të paraqiten dokumentat:

-Listëpagesat e punonjësve për 3 muajt e fundit, të deklaruar në organet tatimore nga data e hapjes së ofertave, sipas formës së parashikuara nga legjislacioni tatimor në fuqi.

-Një dokument/ kartela personale që vërteton se personi i punësuar ndodhet në kushtet e parashikuara nga neni 3 pika 4 të Ligjit nr. 15/2019 “Për nxitjen e punësimit”, (të ndryshuar), të lëshuar nga autoritetet kompetente.

Shenim: Kriteri nr.4 konsiderohet i përmbushur me plotësimin e formularit të vetëdeklarimit shtojca 10. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentim: Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar dhe nenit 25 pika 3/c, të VKM nr. 285, datë 19.05.2021, “Për miratimin e Rregullave të Prokurimit Publik” të ndryshuar, ku përcaktohet se: “Autoritetet/entet kontraktore janë të detyruara që në hartimin e kriterëve të veçanta të kualifikimit, sipas parashikimeve të nenit 77, të LPP-së, si edhe në hartimin e specifikimeve teknike, sipas parashikimeve të nenit 36, të LPP-së, të zbatojnë, përveç këtyre rregullave për prokurimin publik, edhe detyrimet e përcaktuara në legjislacionin përkatës në fushat, si më poshtë: a) Kërkesat minimale të performancës së energjisë, siç përcaktohet në legjislacionin në fuqi për efikasitetin e energjisë dhe për performancën energjetike në ndërtesa, konsumin e energjisë dhe burimeve të tjera të produkteve me ndikim në energji, përfshirë parashikimet për përdorimin e etiketave për produktet me ndikim në energji; b) Specifikimet teknike për produkte të caktuara, siç përcaktohet në aktet ligjore dhe nënligjore të fushës me qëllim përmirësimin e performancës energjetike dhe uljen e ndikimit në mjedis; c) Çdo parashikim tjetër që buron nga legjislacioni mjedisor, energjetik, social dhe i punës.” dhe nenit 20 të Ligjit nr. 15/2019 “Për nxitjen e punësimit”, (të ndryshuar), ku përcaktohet se: “1. Çdo punëdhënës duhet të punësojë: a) një person

që i përket grupeve të përcaktuara në nenin 3, pika 4, shkronja “c”, të këtij ligji, për 25 punonjësit e parë të ndërmarrjes; dhe b) nga një person shtesë, sipas grupeve të përcaktuara në nenin 3, pika 4, shkronja “c”, të këtij ligji, për çdo 50 punonjës të tjerë të ndërmarrjes mbi parashikimet e bëra në shkronja “a” të kësaj pike. 2. Punëdhënësi, i cili nuk punëson numrin e përcaktuar të personave, sipas pikës 1 të këtij neni, derdh një kontribut për llogari të Fondit Social të Punësimit në masën 100 për qind të pagës minimale në shkallë vendi për çdo muaj për çdo person që i përket grupeve të përcaktuara në nenin 3, pika 4, shkronja “c”, të këtij ligji, që ai duhet të kishte punësuar sipas këtij neni. Kontributi derdhet nga punëdhënësi dhe pasqyrohet në listëpagesën mujore të sigurimeve shoqërore dhe shëndetësore, të deklaruar në sistemin on-line të Drejtorisë së Përgjithshme të Tatimeve, institucion i cili luan rolin e agentit tatimor për mbledhjen e kontributit. Procedurat dhe mënyra e derdhjes së kontributit përcaktohen me udhëzim të ministrit përgjegjës për financat.”, ky kriter është vendosur në përputhje me legjislacionin në fuqi, me qëllim nxitjen dhe rritjen e punësimit të “Grupe të veçanta”, të cilët janë punëkërkues të disavantazhuar në tregun e punës.

5. Operatori ekonomik duhet të paraqesë, në datën dhe orën e hapjes së tenderit, mostrat e artikujve për lotin 1, të përcaktuar në tabelën e mëposhtme:

Nr	Emertimi artikullit mostër	Nr. i faqes së katalogut të VKM nr. 126, datë 02.03.2022	Njesia	Sasia e mostres fizike	Mostra e lëndës së parë të përbërjes së artikullit dhe mostra fizike
1	Beretë	5305	copë	1(një)	2 (dy) mostër të lëndës së parë të përbërjes së artikullit(tekstil+ astar) me përmasa 20 x 20cm. Mostra fizike 1 cope
2	Kapele zarf	5307	copë	1(një)	1 (një) mostër të lëndës së parë të përbërjes së artikullit me përmasa 20 x 20cm. Mostra e kapeles për secilën nga gradat sipas katalogut
3	Bluzë pambuku me mëngë të shkurtra	5315	copë	1(një)	1 (një) mostër të lëndës së parë për të përbërjes së artikullit me përmasa 30x30 cm. Mostra fizike 1 copë
4	Çorape	5346	palë	1(një)	Mostra fizike 1 palë
5	Doreza ceremoniale të bardha	5368	palë	1(një)	Mostra fizike 1 palë

6	Kostum Sportiv (Pantallona + Bluzë me mëngë të gjata)	5433	komplet	1(një)	1 (një) mostër të lëndës së parë të përbërjes së artikullit me përmasa 30 x 30cm.Mostra fizike1 kostum
7	Bluzë me mëngë të shkurtra (T-shirt)	5435	copë	1(një)	1 (një) mostër të lëndës së parë të përbërjes së artikullit me përmasa 30 x 30cm. Mostra fizike 1 cope
8	Pantallona të shkurtra	5437	pale	1(një)	1 (një) mostër të lëndës së parë të përbërjes së artikullit me përmasa 20 x 20cm. Mostra fizike 1 pale
9	Kostum Sportiv (Pantallona + Bluzë me mëngë të gjata)	5227	komplet	1(një)	1 (një) mostër të lëndës së parë të përbërjes së artikullit me përmasa 30 x 30cm. Mostra fizike 1 kostum
10	Geta	4932	pale	1(një)	Mostra fizike 1 pale
11	Kapele zarf	4723	copë	1(një)	1 (një) mostër të lëndës së parë të përbërjes së artikullit me përmasa 20 x 20cm. Mostra e kapeles për secilën nga gradat sipas katalogut
12	Këmishë me mëngë të gjata	4727	copë	1(një)	1 (një) mostër të lëndës së parë të përbërjes së artikullit me përmasa 30x30 cm. Mostra fizike 1 cope
13	Kollare	4736	copë	1(një)	1 (një) mostër të lëndës së parë të përbërjes së artikullit me përmasa 30 x 30cm.Mostra fizike 1cope
14	Xhup dimëror	4742	copë	1(një)	1 (një) mostër të lëndës së parë të përbërjes së artikullit me përmasa 30 x 30cm. Mostra fizike 1 cope
15	Pulovër	4752	copë	1(një)	2 (dy) mostër të lëndës së parë të përbërjes së artikullit(trikotazh + perforcuese) me përmasa 30 x 30cm. Mostra fizike 1 cope
16	Xhaket (meshkujsh)	4552	copë	1(një)	2 (dy) mostër të lëndës së parë të përbërjes së artikullit(tekstil+ astar) me përmasa 30 x 30cm.Mostra fizike 1 cope

17	Xhaket (femrash)	4562	copë	1(një)	2 (dy) mostër të lëndës së parë të përbërjes së artikullit(tekstil+ astar) me përmasa 30 x 30cm. Mostra fizike 1 cope
18	Pantollona	4554	palë	1(një)	2 (dy) mostër të lëndës së parë të përbërjes së artikullit(tekstil+ astar) me përmasa 30x30cm.Mostra fizike 1 pale
19	Fund	4564	palë	1(një)	2 (dy) mostër të lëndës së parë të përbërjes së artikullit(tekstil+ astar) me përmasa 30x30cm.Mostra fizike 1 pale
20	Kapele për meshkuj/femra	4556/4558	copë	1(një)	1 (një) mostër të lëndës së parë të përbërjes së artikullit me përmasa 20 x 20cm. Mostrat fizike te kapeles për meshkuj dhe femra sipas katalogut
21	Këmishë me mëngë të gjata	4560	copë	1(një)	1 (një) mostër të lëndës së parë të përbërjes së artikullit me përmasa 30x30cm. Mostra fizike 1 cope
22	Rrip pantalloni ceremonial	4569	copë	1(një)	1 (një) moster fizike 120 cm.Skedën teknike të pjesës metalike
23	Suport per medalje dhe dekorata	4581	copë	1(një)	1 (një) mostër të lëndës së parë 20 x 20cm. Skedën teknike të pjesës metalike
24	Kordon dekorativ	4577	copë	1(një)	Mostra fizike 1cope
25	Shenja emri	4579	copë	1(një)	Skedën teknike të pjesës metalike. Moster fizike 1 cope
26	Stema dhe distiktiv	4583	copë	1(një)	Skedën teknike të pjesës metalike. Moster fizike 1 cope
27	Xhuboks (Xhaketon)	4588	copë	1(një)	2 (dy) mostër të lëndës së parë të përbërjes së artikullit (tekstil+perforcues) me përmasa 30x30cm.Mostra fizike 1 cope
28	Pantollona	4590	palë	1(një)	2 (dy) mostër të lëndës së parë të përbërjes së artikullit(tekstil+ astar) me përmasa 30x30cm.Mostra fizike 1 pale

29	Fund	4592	palë	1(një)	2 (dy) mostër të lëndës së parë të përbërjes së artikullit(tekstil+ astar) me përmasa 30x30cm.Mostra fizike 1 pale
30	Kapele Zarf	4594	copë	1(një)	1 (një) mostër të lëndës së parë të përbërjes së artikullit me përmasa 20 x 20cm Mostra fizike 1 cope
31	Këmishë me mëngë të gjata	4596	copë	1(një)	1 (një) mostër të lëndës së parë të përbërjes së artikullit me përmasa 30x30 cm. Mostra fizike 1 cope
32	Këmishë me mëngë të shkurtra	4598	copë	1(një)	1 (një) mostër të lëndës së parë të përbërjes së artikullit me përmasa 30x30 cm. Mostra fizike 1 cope
33	Rrip pa ntalloni	4615	copë	1(një)	1 (një) moster fizike 120 cm.Skedën teknike të pjesës metalike.
34	Doreza lëkure	4613	palë	1(një)	1 (një) mostër të lëndës së parë të përbërjes së artikullit me përmasa 20 x 20 cm. Mostra fizike 1 pale

Mënyra e dorëzimit të mostrave:

- 1 (një) model fizik për secilin nga artikujt e kërkuar, ku qepja të jetë bërë me fill të kuq, përveç aksesorëve. Mostrat e artikujve duhet të përmbajnë të gjitha aksesorët sipas specifikimeve teknike në VKM nr. 126, datë 02.03.2022.

-1 (një) kampion mostër të lëndës së parë, prej të cilave janë prodhuar mostrat e kërkuara, me përmasa sipas përcaktimeve në tabelën e mësipërme.

-Mostra fizike duhet të ketë etiketen orgjinale të prodhuesit dhe të jenë me ambalazhim fabrike.

-Mostrat duhet të jenë lehtësisht të identifikueshme me numrin rendor përkatës dhe emërtimin e artikullit të vulosur nga ofertuesi, sipas numrit rendor të tabelës së mësipërme.

-Mostrat do të paraqiten pranë Autoritetit Kontraktor Operatori i Blerjeve të Përqëndruara sh.a në datën dhe orën e hapjes së tenderit, me adresë: Rr “Reshit Çollaku”, Godina Nr.6/337, Tiranë (në krah të Gjykatës së Lartë).

Masat e mostrave të kërkuara si më sipër të jenë të masës L janë vendosur të tilla me qëllim trajtimin e barabartë të të gjithë operatorëve ekonomikë të interesuar për pjesëmarrje në procedurën e mësipërme.

Mungesa e mostrës si më sipër kërkuar është kusht skualifikues.

Shënim: Në kolonën me shënimin “Nr. i faqes së katalogut të VKM nr. 126, datë 02.03.2022“, për çdo artikull të kërkuar është përcaktuar numri i faqes ku ndodhet artikulli në Vendimin e Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”, dhe në faqen vijuese janë specifikimet teknike përkatëse për secilin artikull.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 6, gërma a) të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Autoriteti kontraktor ka gjykuar të arsyeshme paraqitjen e mostrave për artikujt objekt prokurimi, të përcaktuara në tabelën e mësipërme, duke marrë në konsideratë sasinë e tyre, vlerën e fondit limit, specifikimet e ndryshme që ka secili artikull objekt prokurimi. Fakti që specifikimet teknike janë përcaktuar me Vendimit të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”, tregon për rëndësinë që i kushtohet uniformave të punës apo atyre ceremoniale, për strukturat e ndryshme të Forcave të Armatosura, me qëllim që të sigurohen përdoruesit e tyre për cilësinë e këtyre artikujve. Me anë të këtij kriteri, kërkohet që të verifikohet përputhshmëria e specifikimeve teknike, duke garantuar që produktet e ofruara i përmbushin të gjitha kërkesat teknike dhe funksionale të përcaktuara në vendimin e sipërcituar. Kjo përfshin verifikimin e cilësisë së materialit të produktit final, dimensionet, si dhe karakteristika të tjera që lidhen me aksesoret që kanë këto artikuj, të cilat nuk mund të verifikohen përmes dokumentave të tjerë të kërkuara. Përfshirja e mostrave rrit transparencën dhe objektivitetin, duke i dhënë komisionit të vlerësimit një bazë të qartë për të krahasuar ofertat dhe për të marrë një vendim të drejtë. Mostrat janë kërkuar vetëm për artikujt e përcaktuar në tabelën e mësipërme, pasi pavarësisht strukturës së Forcave të Armatosur që i përkasin, disa prej artikujve kanë të njëjta specifikime teknike. Mostrat i kthehen ofertuesit, me kërkesën e tij, brenda 30 (tridhjetë) ditëve pas nënshkrimit të kontratës, me kusht që kontrata në fjalë të mos jetë objekt i shqyrtimit administrativ apo gjyqësor. Në rastin kur procedura e prokurimit anulohet, mostrat i kthehen ofertuesit, me kërkesën e tij, brenda 30 (tridhjetë) ditëve nga data e marrjes së vendimit përfundimtar të anulimit.

6. Operatori ekonomik duhet të paraqesë dëshmi për rezultatet e testimeve zyrtare (raport/fletë-analizës), që vërtetojnë pajtueshmërinë e produkteve të ofruara me specifikimet teknike, të përcaktuara sipas Vendimit të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”, të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.

Testimet (raport/fletë analiza) do të paraqitet për artikujt si më poshtë:

Nr	Emertimi artikullit	Nr. i faqes së katalogut të VKM nr. 126, datë 02.03.2022
1	Beretë	5305
2	Kapele zarf	5307
3	Bluzë pambuku me mëngë të shkurtra	5315
4	Çorape	5346
5	Doreza ceremoniake të bardha	5368
6	Kostum Sportiv (Pantallona + Bluzë me mëngë të gjata)	5433
7	Bluzë me mëngë të shkurtra (T-shirt)	5435
8	Pantallona të shkurtra	5437
9	Kostum Sportiv (Pantallona + Bluzë me mëngë të gjata)	5227
10	Kapele zarf	4723
11	Këmishë me mëngë të gjata	4727
12	Kollare	4736
13	Xhup dimëror	4742
14	Pulovër	4752
15	Xhaket (meshkujsh)	4552
16	Xhaket (femrash)	4562
17	Pantollona	4554
18	Fund	4564
19	Kapele për meshkuj/femra	4556/4558
20	Këmishë me mëngë të gjata	4560
21	Rrip pantalloni ceremonial	4569
22	Suport për medalje dhe dekorata	4581
23	Kordon dekorativ	4577
24	Shenja emri	4579
25	Stema dhe distiktiv	4583
26	Xhuboks (Xhaketon)	4588
27	Pantollona	4590
28	Fund	4592
29	Kapele Zarf	4594
30	Këmishë me mëngë të gjata	4596
31	Këmishë me mëngë të shkurtra	4598
32	Rrip pantalloni	4615
33	Doreza lëkure	4613

- Materiali i përdorur për testimet zyrtare duhet të jetë detyrimisht e njëjtë me materialin e paraqitur për mostër sipas kriterit nr.5.

Shënim: Në kolonën me shënimin “Nr. i faqes së katalogut të VKM nr. 126, datë 02.03.2022“, për çdo artikull të kërkuar është përcaktuar numri i faqes ku ndodhet artikulli në *Vendimin e Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”*, dhe në faqen vijuese janë specifikimet teknike përkatëse për secilin artikull.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 6, gërma c) dhe neni 44 të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar; nenit 5 pika 1/a të ligjit Nr. 116/2014 “Për akreditimin e organeve të vlerësimit të konformitetit në Republikën e Shqipërisë” të ndryshuar, ku përcaktohet se: “Drejtoria e Përgjithshme e Akreditimit akrediton: a) laborator testues, mjekesor dhe kalibrues”, si dhe Rekomandimit të përbashkët nr.3330, datë 20.03.2028 të Agjencisë së Prokurimit Publik dhe nr.145, datë 16.03.2018 të Drejtorisë së Përgjithshme të Akreditimit “Rekomandim mbi hartimin e kërkesave të cilësisë”. Fakti që specifikimet teknike janë përcaktuar me Vendimit të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”, tregon për rëndësinë që i kushtohet uniformave të punës apo atyre ceremoniale, për strukturat e ndryshme të Forcave të Armatosura, me qëllim që të sigurohen përdoruesit e tyre për cilësinë e këtyre artikujve. Me anë të këtij kriteri, kërkohet që operatorët ekonomikë të dëshmojnë për rezultatet e testimeve zyrtare (raport/fletë-analizës), nëpërmjet të cilave duhet të vërtetojnë pajtueshmërinë e artikujve që ata ofrojnë me specifikimet teknike të objektit të prokurimit sipas vendimit të sipërcituar. Ky kriter është vendosur, gjithashtu duke iu referuar specifikimeve teknike ku verifikimi i disa elementeve të cilësisë së artikujve mund të verifikohet vetëm nëpërmjet analizave laboratorike për sa i përket lëndës së parë të përdorur për realizimin e produktit final. Fleta e analizës laboratorike garanton që materialet e përdorura për prodhimin e artikujve veshmbathje i përmbushin specifikimet teknike të kërkuara, ku përfshihen lloji i lëndës së parë të përdorur dhe përbërësve të tjerë ndaj forcave mekanike, ujit, kimikateve apo faktorëve të tjerë që ndikojnë në performancën e produktit final. Fletë analizat sigurojnë që produkti përfundimtar do të jenë të qëndrueshme dhe të përshtatshme për përdorim afatgjatë. Siguria e përdoruesve të produktit përfundimtar, është një tjetër faktor që e bën të domosdoshme kërkesën për analiza laboratorike, duke i garantuar ata që produkti është i sigurt dhe mund të ofrojë mbrojtje adekuate daj rreziqeve të caktuara.

7. Operatori ekonomik duhet të disponojë makinerite si më poshtë:

- Makineri prerje automatike (sistemi (CUT)- minimalisht 1
- Makina qepëse – minimalisht 30 cope
- Makineri hekurosje- minimalisht 1

Për makineritë dhe pajisjet e deklaruar sipas kësaj pikë të provohet disponueshmëria e tyre në një nga mënyrat sipas legjislacionit në fuqi si më poshtë:

- fatura shit blerje ose
- kontrata shitblerje ose
- kontratë qeraje ose
- kontratë huapërdorje.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 5, gërma ç) të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar “Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: ç) mjetet dhe pajisjet teknike që ka në dispozicion apo që mund t’i vihen në dispozicion operatorit ekonomik për të përmbushur kontratën, të nevojshëm për ekzekutimin e objektit të prokurimit.”, këto mjete janë minimale të kërkuara për realizimin e objektit të prokurimit që duhet të disponojnë operatorët ekonomike. Këto makineri shërbejnë për procese të punës si më poshtë:

- Makineria për prerje automatike është një pajisje industriale e përdorur në rrobaqepësi për të prerë me saktësi dhe shpejtësi materialet tekstile sipas modeleve dhe përmasave të dëshiruara. Kjo teknologji është veçanërisht e rëndësishme në prodhimin e uniformave ushtarake dhe policore, ku kërkojnë precizion, efikasitet dhe një cilësi të lartë të prerjes.

- Makineria qepëse është një pajisje thelbësore në industrinë e rrobaqepësisë dhe përdoret për të bashkuar, qepur dhe përforcuar pjesët e materialeve tekstile. Në prodhimin e uniformave ushtarake dhe policore, makineritë qepëse duhet të jenë të fuqishme, të sakta dhe të përshtatshme për materiale të ndryshme, duke përfshirë stofin e trashë dhe tekstilet teknike.

-Makina e hekurosjes është një pajisje thelbësore në procesin e prodhimit të uniformave ushtarake dhe policore. Ajo siguron një përfundim profesional duke larguar rrudhat, fiksuar palosjet dhe formësuar materialin sipas standardeve të kërkuara.

Shenim: Kriteri nr.7 konsiderohet i përmbushur me plotësimin e formularit të vetëdeklarimit shtojca 10. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkojnë sqarime nga autoriteti kontraktor.

8. Operatori ekonomik duhet të paraqesë certifikata të lëshuara nga organizmat e vlerësimit të konformitetit, të akredituara nga organizmi kombëtar akreditues, ose organizma ndërkombëtare akreditues, të njohur nga Republika e Shqipërisë, në përputhje me objektin e prokurimit, si më poshtë:

ISO 9001:2015 “Mbi sistemet e menaxhimit të cilësisë” (e vlefshme) ose ekuivalent;

ISO 14001-2015 “Mbi Sistemet e menaxhimit të mjedisit” (e vlefshme) ose ekuivalent;

ISO 45001:2018 ose të përditësuar ISO 45001:2023 “Për Sistemin e Menaxhimit të Shëndetit dhe Sigurisë në Punë” (e vlefshme) ose ekuivalent.

Argumentimi: Ky kriter është vendosur në përputhje me pikën 1 të nenit 79 të Ligjit nr.162/2020 “Per Prokurimin Publik” i ndryshuar, në të cilën gjejmë të përcaktuar se: 1. Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikatat të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë. Kjo dispozitë zbatohet edhe kur kërkesat teknike u referohen kualifikimeve të kandidatit ose të ofertuesit. Ky kriter gjë mbeshtetje në pikën 1 të nenit 44 të VKM nr 285 datë 19.05.2021 “Per Miratimin e Rregullave të Prokurimit Publik” ku përcaktohet se: 1. Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit. Sa më sipër, ky kriter shërben për njohjen e kapacitetit të operatorëve ekonomikë ofertues dhe aftësinë e tyre teknike dhe profesionale për të furnizuar artikuj cilësorë dhe që janë prodhuar / vendosur në treg sipas standardit të sipërpërmendur.

ISO 9001 ose ekuivalent përcakton kërkesat për një sistem menaxherial të cilësisë dhe mund të implementohet dhe të certifikohet nga çdo shoqëri, pavarësisht dimensioneve apo fushës së aktivitetit. (e nevojshme për objektin e prokurimit, të cilin AK kërkon të kryhet me cilësi dhe në kohë). Duke parë objektin e prokurimit, autoriteti kontraktor vlerëson të nevojshme të kërkojë që operatorët ekonomikë ofertues të jenë të pajisur me certifikata të cilësisë në përputhje me objektin e prokurimit, me qëllim që furnizimet të kryhen me cilësi sipas çertifikatës ISO të mësipërme.

AK Vlerëson të nevojshëm certifikimin e subjekteve ofertues me ISO 14001 ose ekuivalent, me qëllim garantimin se operatori ekonomik gëzon konfirmimet e nevojshme nga organizmi i vlerësimit të konformitetit, se ka ndërmarrë masa proaktive me qëllim minimizimin e ndikimit negativ në mjedis, si dhe zbaton kuadrin rregullator përkatës në fuqi për mbrojtjen e mjedisit. Kjo qasje proaktive ndaj menaxhimit mjedisor mund të rezultojë në përfitime të prekshme, të tilla si reduktimi i mbetjeve, ruajtjes së energjisë dhe kursimeve të kostos.

ISO 45001 ose ekuivalent është një standard ndërkombëtar që specifikon kërkesat për një sistem të menaxhimit të shëndetit dhe sigurisë në punë. Ai siguron një kornizë për organizatat për të menaxhuar rreziqet dhe për të përmirësuar performancën. Përfitimet e këtij kualifikimi; Kuadri për të menaxhuar në mënyrë sistematike rreziqet; Ulja e incidenteve dhe lëndimeve në vendin e punës; Përkushtim i demonstruar për shëndetin dhe sigurinë e punëtorëve.

9. Operatori ekonomik duhet të paraqesë certifikatën OEKO-TEX standard 100 të tekstileve (ose ekuivalente) të prodhuesit të lëndës së parë të artikujve objekt prokurimi, për të vertetuar se lënda e parë e artikujve të ofruara nuk kanë substanca të dëmshme për shëndetin dhe janë në përputhje me normativat e specifikuar të certifikimit OEKO-TEX ose ekuivalente.

Agrumentimi: Argumentimi: Ky kriter është vendosur në përputhje me parashikimet e nenit 36 dhe nenit 77, të Ligjit Nr.162/2020 “Për Prokurimin Publik” i ndryshuar, si dhe nenit 40 dhe nenit 44 të VKM-së Nr.285/2021 “Për miratimin e rregullave të prokurimit publik” i ndryshuar. Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit i akredituar nga organizma kombëtarë i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit. Referuar specifikimeve teknike të kësaj procedure prokurimi, Njësia e Prokurimit gjykon se është e domosdoshme paraqitja e certifikatës OEKO-TEX ose ekuivalente, pasi është standarti që përfshin artikujt që kanë kontakt direkt me lëkurën dhe është në përputhshmëri me rregulloren e Bashkimit Europian që synon mbrojtjen e shëndetit të njeriut dhe mjedisit nga efektet e dëmshme të kimikateve (Registration, Evaluation, Authorization and Restriction of Chemicals – REACH), duke përfshirë kufizimet për substanca të caktuara të rrezikshme. Ky standart certifikon produktet, pasi janë të testuara për substanca të dëmshme duke siguruar që të jenë të sigurta dhe të mbrojnë shëndetin e njeriut dhe mjedisin nga kimikatet toksike.

Cdo komponent i një produkti që nga lënda e parë (metrazhi) e deri të aksesoret, duhet të jenë testuar rigorozisht kundër shumë kimikateve toksike. Qëllimi i certifikatës është një praktikë miqësore me mjedisin dhe me përgjegjësi shoqërore që siguron një prodhim të qëndrueshëm, përfshirë etiketimin nga faza e prodhimit e deri në zinxhirin përfundimtar të furnizimit, ndërsa konsideron sigurinë e produktit tek përdoruesi përfundimtar.

STANDARD 100 nga OEKO-TEX® është një nga etiketat më të njohura në botë për tekstilet e testuar për substanca të dëmshme. Ai garanton besimin e klientit dhe sigurinë e lartë të produktit.

Nëse një artikull tekstili mban etiketën STANDARD 100, konfirmon se çdo përbërës i këtij artikulli, d.m.th. çdo fije, buton dhe pajisje të tjera, është testuar për substanca të dëmshme dhe se artikulli është i padëmshëm për shëndetin e njeriut. Testi kryhet nga institutet partnere të pavarura OEKO-TEX® në bazë të katalogut të gjerë të kriterëve OEKO-TEX®.

10. Operatori ekonomik pjesëmarrës, për transportin e mallrave objekt prokurimit duhet të disponojë, mjetet e mëposhtme:

Mjete	Sasia	Gjendja
Mjet për transportin e mallrave	1 (një)	Pronësi ose me qera

a) Për mjetet me goma që shënohen në regjistra publikë duhet të paraqitet dokumenti që vërteton regjistrimin e mjetit (leje qarkullimi), plus certifikaten e kontrollit teknik (e vlefshme), siguracionin e mjetit (të vlefshme) dhe certifikata e pronësisë së mjetit.

b) Për mjetet e siguruar me qera, duhet të paraqitet dokumenti që vërteton regjistrimin e tij (leje qarkullimi), plus certifikaten e kontrollit teknik (e vlefshme), siguracionin e mjetit (të vlefshme), dhe certifikata e pronësisë së mjetit duhet të shoqërohet me kontratën perkatese të qerave.

Shënim: Kriteri nr.10 konsiderohet i përmbushur me plotësimin e formularit të vetëdeklarimit shtojca 10. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentimi: Në bazë të nenit të 77, të ligjit nr. 162, datë 23.12.2020 “Për Prokurimin Publik” (i ndryshuar) dhe nenit 40, pika 5/ç, të VKM nr.285, datë 19.05.2021 “Për Miratimin e Rregullave të Prokurimit Publik” (e ndryshuar), me anë të këtij kriteri kërkohet që operatorët ekonomikë të sigurojnë Autoritetin Kontraktor se kanë mjete në dispozicion dhe se do të kryejnë transportin e mallrave objekt prokurimi, në adresat e përcaktuara nga Autoriteti Kontraktor përfitues. Ky kriter është vendosur si siguri, që operatori ekonomik do të kryejë shërbimin e transportit në kohë me qëllim realizimin me sukses të kontratës. Kërkesa për minimumi një mjet është vendosur në propocion me sasinë e mallit që kërkohet dhe vendodhjen e Autoritetit Kontraktor përfitues, ku do të depozitohet malli objekt prokurimi.

11. Operatori ekonomik duhet të lëshojë një deklaratë për periudhën minimale 1 vjecare të garancisë së mallrave objekt prokurimi nga data e dorëzimit të mallit, gjatë së cilës merr përsipër zëvendësimin e artikujve veshmbathje, brenda afatit të garancisë, për difekte që vijnë si rrjedhojë e procesit teknologjik të lëndëve të para e ndihmëse që përdoren.

Argumentimi: Kërkesa e mësipërme është përcaktuar bazuar në nenin 77 të Ligjit nr. 162, datë 23.12.2020 “Për Prokurimin Publik” të ndryshuar dhe nenin 40 pika 8 të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Me anë të këtij kriteri, autoriteti kontraktor kërkon të sigurohet se, operatori ekonomik do të garantojë se mallrat e ofruara janë cilësore dhe sipas standarteve të kërkuara në dokumentet e tenderit, duke u bazuar në specifikat e punës që kryen personeli që do t’i përdorë, kushtet e punës, imazhin e autoriteti kontraktor. Në cdo rast operatori ekonomik duhet të mbajë përgjegjësi për mallat që ofron dhe se do t’i përgjigjet autoritetit kontraktor në rast se malli i furnizuar dëmtohet gjatë përdorimit për shkak të difekte që vijnë si rrjedhojë e procesit teknologjik të lëndëve të para e ndihmëse që përdoren.

Shënim: Operatori ekonomik ofertues në më shumë se një Lot, duhet të ketë kapacitetet ekonomike – financiare (pika 1 e seksionit 2.2, të kriterëve të veçanta për kualifikim) si dhe kapacitetet teknike (pika 1 të seksionit 2.3, të kriterëve të veçanta për kualifikim), sa shuma e loteve për të cilat ka ofertuar, të marra së bashku. Në rast se dokumentacioni i deklaruar dhe i dorëzuar në përmbushje të kriterëve kumulative nuk plotësohet për të gjitha Lotet ku operatori ekonomik ka ofertuar, OE ofertues kualifikohet vetëm në lotin/et në të cilin/et oferta e tij është ekonomikisht me e favorshme.

Shënim: Në rast të bashkimit të operatorëve ekonomikë, secili prej anëtarëve të këtij bashkimi duhet të përmbushë kërkesat e parashikuara në nenin 76, të LPP-së, dhe ato të përcaktuara në dokumentet e tenderit. Kërkesat për kualifikim: ekonomike, financiare, profesionale dhe ato teknike, duhet të përmbushen nga i gjithë bashkimi, në përputhje me përqindjen e pjesëmarrjes në furnizim, të përcaktuara në aktmarrëveshje.

Shënim: Bazuar në nenin 82 pika 4 të të Ligjit nr. 162, datë 23.12.2020 "Për Prokurimin Publik" të ndryshuar, në rastin e operatorëve ekonomikë të huaj, dokumentet duhet të paraqiten në formën e kërkuar nga legjislacioni në fuqi për njohjen e dokumentacionit. Në raste të dokumenteve që nuk lëshohen në vendin e origjinës, ky fakt duhet të provohet prej operatorëve ekonomikë.

Shënim: Bazuar në nenin 14 pika 2 të të Ligjit nr. 162, datë 23.12.2020 "Për Prokurimin Publik" të ndryshuar, grupe operatorësh ekonomikë mund të dorëzojnë oferta ose të paraqiten si një kandidat i vetëm sipas parashikimeve në rregullat e prokurimit publik. Autoriteti ose enti kontraktor nuk duhet t'i kërkojë një formë të veçantë ligjore bashkimit të shoqërive, për qëllim të dorëzimit të ofertës ose kërkesës për pjesëmarrje. Autoritetet ose entet kontraktore mund t'u kërkojnë grupeve të operatorëve ekonomikë që të marrin një formë ligjore specifike, pasi të jenë shpallur fitues, nëse vlerësohet e nevojshme për realizimin e kontratës. Në çdo rast, ky kusht duhet t'u bëhet i ditur operatorëve ekonomikë në dokumentet e tenderit për ekzekutimin e kënaqshëm të kontratës.

Nëse oferta dorëzohet nga një bashkim operatorësh ekonomik, duhet të dorezohen vetëm nga operatori ekonomik që është shpallur fitues:

- a. Marrëveshja e noterizuar sipas së cilës bashkimi i operatorëve ekonomikë është krijuar zyrtarisht;

Të gjitha dokumentet duhet të jenë origjinale ose kopje të noterizuara.

Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

Kriteret për kualifikim vendosen që t'i shërbejnë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës.

II. Argumentimi i specifikimeve teknike :

*Specifikimeve teknike për artikujt objekt prokurimi janë të përcaktuara me Vendimit të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë” në përputhje me parashikimet e nenit 4, pika 38/b dhe nenit 36, të LPP i ndryshuar, si dhe nenit 40, pika 1, të VKM nr. 285, datë 19.05.2021, “Për miratimin e rregullave të prokurimit publik”, **duke argumentuar çdo kërkesë funksionale ose performance, apo/dhe çdo standard të kërkuar**, ku çdo referencë duhet të shoqërohet nga fjalët “ose ekuivalenti i tij/saj”.*

LOTI 2: BLERJE ARTIKUJ KËPUÇË

Shtojca 9

[Shtojcë për t’u plotësuar nga Autoriteti/Enti Kontraktor]

FORMULAR I I KRITEREVE TË PËRZGJEDHJES/KUALIFIKIMIT

1. KRITERET E PËRGJITHSHME TË PËRZGJEDHJES/ KUALIFIKIMIT

Ofertuesi deklaron se:

- a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;
- b) nuk është në proces falimentimi (status aktiv);
- c) nuk është dënuar për ndonjë vepër penale, në përputhje me nenin 76/1 të LPP-së;
- ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendimi i gjykatës i formës së prerë për çdo vepër penale, të përcaktuar në nenin 76/1 të LPP-së;
- d) nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi;
- dh) nuk ka pagesa pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;

- e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.
- f) nuk është në kushtet e konfliktit të interesit, sipas legjislacionit në fuqi;
- g) ushtron veprimtarinë në përputhje me legjislacionin përkatës mjedisor, social dhe të punës;
- gj) ka paraqitur një Ofertë të Pavarur, sipas kërkesave të legjislacionit në fuqi;
- h) kryen aktivitetin në përputhje me kërkesat e legjislacionit në fuqi.
- i) nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë/kanë qenë në këtë cilësi në një operator ekonomik të përjashtuar nga e drejta për të fituar kontrata publike, me vendim të Agjencisë së Prokurimit Publik, gjatë kohës që ky vendim është në fuqi.
- j) ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi.
- k) zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë. Ky informacion kërkohet për Operatorët Ekonomikë, të regjistruar në regjistrin tregtar shqiptar

Këto kritere duhet të përmbushen me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, **sipas Shtojcës 10.**

Në rast bashkimi të operatorëve ekonomikë, secili anëtar i grupit duhet të paraqesë Vetëdeklarimin e lartpërmendur.

Në rast se operatori ekonomik ofertues do të mbështetet në kapacitetet e subjekteve të tjera, Vetëdeklarimi i lartpërmendur duhet të paraqitet edhe nga subjekti mbështetës.

Kriteret e Përgjithshme të Pranimit nuk duhet të ndryshohen nga Autoritetet/Entet Kontraktore.

Në çdo rast, Autoriteti/EntiKontraktor ka të drejtë të kryejë verifikimet e nevojshme për vërtetësinë e informacionit të deklaruar nga Operatori Ekonomik, për sa më sipër.

- Nëse oferta paraqitet nga një bashkim Operatorësh Ekonomikë, do të paraqitet :

Marrëveshje bashkëpunimi ndërmjet Operatorëve Ekonomikë, ku caktohet përfaqësuesi, përqindja e pjesëmarrjes në bashkim, dhe elementët që merr përsipër të realizojë secili prej anëtarëve të bashkimit.

- Nëse, një operator ekonomik dëshiron të mbështetet në kapacitetet e subjekteve të tjera, ai i vërteton autoritetit ose entit kontraktor se do të ketë në dispozicion burimet e nevojshme, duke dorëzuar një angazhim me shkrim të këtyre subjekteve për këtë qëllim.

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. Formularin Përmbledhës të Vetëdeklarimit, **sipas shtojcës 10;**

b. Sigurimin e Ofertës, **sipas Shtojcës 5;**

Argumentimi: Kriteret e mesiperme janë vendosur në përputhje me Nenin 82 “Formulari përmbledhës i vetëdeklarimit” dhe Neni 83 “Sigurimi i ofertes”, të Ligjit Nr.162/2020 “Për Prokurimin Publik” i ndryshuar si dhe në mbështetje të nenit 26, nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik i ndryshuar: citojme Neni 83 i LPP “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”, Neni 82, i LPP “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si prova paraprake në vend të disa vërtetimeve të leshuara nga autoritetet publike ose pale të treta, formularin përmbledhës të vetëdeklarimit, sipas parashikimeve të këtij ligji. Përbajtja e këtij formulari përcaktohet në rregullat e prokurimit publik”.

2. Ofertuesi duhet të dorëzojë:

2.1 Kapacitetin profesional të operatorëve ekonomikë:

Referuar pikës 1 të shtojcës 9, ofertuesi duhet të deklarojë se përmbush kriteret e përgjithshme të pranimit/kualifikimit. Këto kriteret duhet të plotësohen me dorëzimin e vetëdeklaratës me shkrim të subjektit, në ditën e hapjes së ofertës, sipas Shtojcës 10.

Argumentimi: Kërkesa e mësipërme bazohet në nenin 76 të ligjit nr. 162, datë 23.12.2020 “Për prokurimin publik” të ndryshuar dhe nenit 25 të VKM-se nr. 285, datë 19.05.2021 “Për miratimin e Rregullave të Prokurimit Publik” të ndryshuar.

2.2. Kapaciteti ekonomik dhe financiar:

1. Për të provuar se operatorët ekonomikë kanë kapacitetin e nevojshëm ekonomik dhe financiar për të zbatuar kontratën, duhet të paraqesin vërtetim për xhiron vjetore për vitet financiare (2021, 2022, 2023), ku vlera e xhiros për të paktën një nga vitet e periudhës së kërkuar duhet të jetë **jo më e vogël se vlera e fondit limit të lotit 2**. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Argumentimi: Kërkesa e mësipërme është në nenin 77, pika 3, të ligjit nr. 162, datë 23.12.2020 “Për prokurimin publik” të ndryshuar; nenin 42, nenin 43 pika 2/a dhe nenin 47 të VKM Nr. 285, datë 19.05.2021 “Për miratimin e rregullave të prokurimit publik” të ndryshuar. Përcaktimi i viteve

të kërkuara për paraqitjen e vërtetimit të xhiros vjetore është bërë bazuar në pikën 2 të nenit 61, të Ligjit nr.29/2023 “Për tatimin mbi të ardhurat”, të ndryshuar ku përcaktohet se: “ Deklarata tatimore vjetore dorëzohet në organin tatimor jo më vonë se data 31 mars e vitit pasardhës të vitit tatimor për të cilin dorëzohet deklarata”. Vendosja e këtij kriteri bëhet me qëllim krijim e bindjes tek Autoriteti Kontraktor, për aftësinë ekonomike dhe financiare të operatorëve ekonomik ofertues, duke vërtetuar nëpërmjet dokumenteve të kërkuara, se zotërojnë kapacitet ekonomik dhe financiar për të përmbushur kontratën sic është parashikuar nga Autoriteti Kontraktor.

Përcaktimi i vlerës së kërkuar argumentohet si më poshtë: Vlera e kërkuar jo më e vogël se vlera e fondit limit të lotit 2 është në përputhje me përcaktimet në nenin 43 pika 2/a të VKM nr. 285, datë 19.05.2021 “Për miratimin e rregullave të prokurimit publik” të ndryshuar, ku përcaktohet se Vlera e xhiros minimale vjetore që u kërkohet operatorëve ekonomikë nuk mund të tejkalojë :a) dyfishin e vlerës së përllogaritur të kontratës ose lotit, në procedurat e prokurimit mbi kufirin e lartë monetar”. Në rastin konkret Njësia e Prokurimit ka konsideruar të arsyeshme që vlera e xhiros për të paktën një nga vitet e periudhës së kërkuar duhet të jetë jo më e vogël se vlera e fondit limit të lotit 2 me qëllim nxitjen e pjesëmarrjes së operatorëve ekonomikë në procedurat e prokurimit publik, nxitjen e konkurrencës ndërmjet operatorëve ekonomikë si edhe të sigurimin e një trajtimi të barabartë dhe jodiskriminues për të gjithë ofertuesit e mundshëm ekonomikë. Marrë shkas nga fakti që referuar përcaktimit të bërë në nenin 43 pika 2/a, Autoriteti Kontraktor nuk mund të tejkalojë dyfishin e vlerës së përllogaritur të vlerës së lotit në kërkesën për kualifikim, por në respektim të parimeve ligjore dhe në përmbushjen e qëllimeve të ligjit të prokurimit si më sipër cituar ka tagrin të kërkojë një vlerë më të ulët se dyfishi i vlerës së përllogaritur të kontrates/lotit për përmbushjen e vlerës së xhiros minimale vjetore. Kjo vlere është kërkuar duke pasur në konsideratë objektin e kontratës, natyrën dhe volumin e saj, që t'i shërbejnë autoritetit kontraktor për njohjen e gjendjes dhe kapaciteteve të operatorit ekonomik, të cilët duhet të vërtetojnë se zotërojnë kapacitetet e nevojshme ekonomike dhe financiare, gjithçka në funksion të realizimit me sukses të kontratës.

2. Operatorët ekonomikë duhet të paraqesin kopje të çertifikuara të bilanceve të viteve: (2021, 2022, 2023) të paraqitura pranë autoriteteve përkatëse tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese. Kriteri konsiderohet i përmbushur nëse në dy bilance të njëpasnjëshme nuk ka raport negative ndërmjet aktivitetit dhe pasivitetit.

Argumentim: Kërkesa e mësipërme është përcaktuar bazuar në nenin 77, pika 3, të ligjit nr. 162, datë 23.12.2020 “Për prokurimin publik” të ndryshuar; nenit 43, pika 4, të VKM nr. 285, datë 19.05.2021 “Për miratimin e rregullave të prokurimit publik”, të ndryshuar, ku përcaktohet se: “Nëse vlerësohet, autoriteti/enti kontraktor mund të kërkojë që operatorët ekonomikë të japin informacione në bilancet e tyre vjetore, për një periudhë maksimumi tre vitet e fundit financiare, që të tregojnë raportet, ndërmjet aktivitetit dhe pasivitetit. Nëse kërkohen një ose dy bilance, kërkesa konsiderohet e përmbushur nëse në bilancin/et e kërkuara nuk ka raport negativ ndërmjet aktivitetit dhe pasivitetit”, si dhe në pikën 5 të nenit 61, të Ligjit nr.29/2023 “Për tatimin mbi të ardhurat”, të

ndryshuar ku përcaktohet se:Tatimpaguesit që mbajnë kontabilitet sipas kërkesave të ligjit përkatës, paraqesin deklaratën vjetore së bashku me pasqyrat financiare, si dhe të dhëna të tjera të përcaktuara në udhëzimin e ministrit përgjegjës për financat për zbatimin e këtij ligji.”, si dhe kërkesave të ligjit Nr. 25/2018 “Për kontabilitetin dhe pasqyrat financiare” të ndryshuar dhe nenit 14 të Nr. 10 091, datë 5.03.2009 “Për auditimin ligjor, organizimin e profesionit të audituesit ligjor dhe të kontabilistit të miratuar” të ndryshuar. Me anë të këtij kriteri, për paraqitjen e bilnaceve, është vendosur duke pasur në konsideratë objektin e kontratës, natyrën dhe volumin e saj, që t'i shërbejnë autoritetit kontraktor për njohjen e gjendjes dhe kapaciteteve të operatorit ekonomik, të cilët duhet të vërtetojnë se zotërojnë kapacitetet e nevojshme ekonomike dhe financiare, gjithçka në funksion të realizimit me sukses të kontratës.

2.3 Kapaciteti teknik:

1. Operatori ekonomik duhet të paraqesë dëshmi për furnizimet e mëparshme të ngjashme të kryera gjatë 3 (tre) viteve të fundit nga data e shpalljes së njoftimit të kontratës, **në vlerën jo më pak se 40% e vlerës së fondit limit të Lotit 2**. Këto furnizime të mëparshme, të ngjashme, duhet të vërtetohen me dokumentacionin si më poshtë:

- a. Kur furnizimet e ngjashme janë realizuar me ente publike, operatori ekonomik duhet të paraqesë vërtetimin e lëshuar nga enti publik për përmbushjen me sukses të kontratës dhe/ose faturat tatimore të shitjes të plotësuara sipas kërkesave të legjislacionit në fuqi dhe të deklaruar në organet tatimore, ku të shënohen datat, shumat dhe sasi të mallrave të furnizuara.
- b. Kur furnizimet e ngjashme janë realizuar me subjekte private, operatori ekonomik duhet të paraqesë faturën përkatëse tatimore të shitjes të plotësuara sipas kërkesave të legjislacionit në fuqi dhe të deklaruar në organet tatimore, ku të shënohen datat, shumat dhe sasi të mallrave të furnizuara.

Argumentimi: Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar neni 40 pika 4, neni 42 të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar, ku përcaktohet se: “Për të provuar përvojën e mëparshme, autoriteti/enti kontraktor kërkon dëshmi për realizimin me sukses të një ose disa kontratave të mëparshme, të ngjashme, të kryera gjatë tre viteve të fundit. Në çdo rast, vlera totale e kërkuar duhet të jetë në një vlerë jo më të madhe se 40% të vlerës së përlllogaritur të kontratës, që prokurohet dhe që është realizuar gjatë tre viteve të fundit, nga data e shpalljes së njoftimit të kontratës.” Me anë të këtij kriteri kërkohet që operatorët ekonomikë të dëshmojnë që kanë përvojën e ngjashme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 40 % të vlerës së fondit limit të lotit 2. Përqindja e kërkuar është konsideruar e nevojshme për të provuar besueshmërinë dhe provojën e operatorëve ekonomik ofertues, në ofrimin e mallrave të ngjashëm me objektin e prokurimit për realizimin me sukses të kontratës.

2. Operatori ekonomik për realizimin e objektit të prokurimi duhet të ketë minimalisht 50 (pesëdhjetë) persona të punësuar, të cilët duhet të figurojnë në listpagesën e shoqërisë për 3 (tre) muajt e fundit të deklaruar nga data e hapjes së ofertave.

- a. Vërtetim të lëshuar nga Administrata Tatimore për 3 muajt e fundit të deklaruar nga data e hapjes së ofertave.
- b. Listpagesat e punonjesve të konfirmuara nga autoritetet perkatese sipas formatit që kërkohej nga legjislacioni në fuqi për 3 muajt e fundit të deklaruar.

Shenim: Kriteri nr.2 konsiderohet i përmbushur me plotësimin e formularit të vetëdeklarimit shtojca 10. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” i ndryshuar dhe nenit 40, pika 5/b dhe 5/c, të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar me anë të këtij kriteri kërkohej që operatorët ekonomikë të dëshmojnë që kanë fuqinë minimale punëtore, të nevojshme për ekzekutimin e objektit të prokurimit, të nevojshme për ekzekutimin e objektit të prokurimit, që ka në dispozicion apo që mund t’i vihen në dispozicion operatorit ekonomik për të përmbushur kontratën.

Numri i punonjësve dhe qëndrueshmëria e tyre në punë me kohështirje tre mujore nga data e zhvillimit të tenderit, tregon besueshmëri për autoritetin që, operatori do të përmbushë kontratën. Dëshmia e kërkuar për numrin e fuqisë punëtore të operatorit ekonomik e nevojshme për ekzekutimin e objektit të kontratës, është dokument që vërteton kapacitetin teknik dhe profesional të operatorit, përsa kohë janë në përpjesëtim me natyrën dhe përmasat e kontratës. Deklarimi dhe regjistrimi i punonjësve në regjistrin e sigurimeve është një detyrim ligjor i punëdhënësit e parashikuar nga Kodi i Punës, për rrjedhojë vërtetimi i lëshuar nga administrata tatimore e shoqëruara me listpagesat me këtë kohështirje është dokument vërtetues për qëndrueshmërinë e të punësuarve, përvojën e tyre, dhe janë në përpjesëtim me natyrën dhe përmasat e kontratës. Punësimi i një numri të caktuar, përveç besueshmërisë së operatorëve ekonomik, si një nga kërkesat themelore të kualifikimit, përpiqet të kufizojë edhe problematikat sociale dhe shmangien e informalitetit në tregun e punës.

Po ashtu është një tregues i kualifikimit dhe eksperiencës që duhet të ketë kjo kategori e punonjësve. Vendosja e kriterit për një punësim të paktën 50 punonjes duke përfshirë dhe stafin teknik, është në përputhje me volumin e punës, natyrën e prodhimit të mallrave objekt prokurimi. Kriteri për kualifikim është vendosur që t’i shërbejë autoritetit për të njohur gjendjen e kapaciteteve të operatorëve të cilët nëpërmjet dokumentacionit të vërtetojnë se zotërojnë, kapacitetet teknike dhe profesionale, personelin e nevojshëm, si dhe kapacitetet organizative, gjithçka në funksion të realizimit me sukses të kontratës.

3.Operatori ekonomik për realizimin e objektit të prokurimi duhet të ketë staf teknik me kualifikimet si më poshtë, të cilët duhet të figurojnë në listpagesën e shoqërisë për 3 (tre) muajt e fundit të deklaruar nga data e hapjes së ofertave;

Nr.	Profesioni	Numri i punonjesve
1	Inxhinier tekstili	1
2	Kimist	1
3	Sitilist/Modelist	1
4	Pergjegjes/drejtues linje	1
5	Prestar lëkure/teknik prestarie	1
6	Punonjës makinerish	30
7	Shofer/mirembajtje	1
8	Punonjes për shperndarjen	2

Për punonjësit me profesionet e mësipërme, Operatori Ekonomik duhet të paraqesë:

a) Për inxhinierin e tekstilit dhe kimistin te paraqitet:

- Diplomën, që të vërteton kualifikimin profesional të mësipërm.
- Kontrate pune e vlefshme
- Inxhinieri i tekstilit dhe kimisti duhet të kenë minimalisht 2 (dy) vite eksperiencë pune në këtë profesion, vërtetuar me librezë pune ose cdo dokument tjetër të barazvlefshëm.

b) Për stilist/modelist, prestar lëkure/teknik prestarie dhe pergjegjes/drejtues linje te paraqitet:

- Diplome/dëshmi//certifikate kualifikimi profesional
- Kontrate pune e vlefshme.
- Stilist/modelist, prestar lëkure/teknik prestarie dhe pergjegjes/drejtues linje duhet të kenë minimalisht 2 (dy) vite eksperiencë pune në këtë profesion, vërtetuar me librezë pune ose cdo dokument tjetër të barazvlefshëm.

c) Për Punonjës makinerish te paraqitet:

- Kontrate pune e vlefshme.
- Punonjës makinerish duhet të ketë minimalisht 1 (një) vit eksperiencë pune në këtë profesion, vërtetuar me librezë pune ose cdo dokument tjetër të barazvlefshëm.

d) Për punonjesit per shperndarje, te paraqitet:

- Kontratë pune e vlefshme.

f) Per punonjesit shofer/mirembajtje te paraqitet:

- Leje drejtimi mjete e vlefshme.
- Kontrate pune e vlefshme.

Shënim: Kriteri nr.3 konsiderohet i permbushur me plotesimin e formularit te vetedeklarimit shtojca 10. Dokumentet e kerkuara me siper do te paraqiten ne rast se operatori kualifikohet i pari, por perpara publikimit te njoftimit te fituesit dhe nisjes se afateve te ankimit ose nese kerkohen sqarime nga autoriteti kontraktor.

Argumentim: Argumentimi: Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 5/b/c, të VKM nr. 285, datë 19.05.2021, “Për miratimin e Rregullave të Prokurimit Publik” të ndryshuar;

ligjit nr. 15/2017 "Për arsimin dhe formimin profesional në R.Sh. P" i ndryshuar; VKM nr. 514, datë 20.09.2017 "Për miratimin e listës kombëtare të profesioneve të rishikuar (LKP)". Me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës.

Nisur nga lloji i artikujve objekt prokurimi, vlerës së fondit limit, sasisë, specifikimeve teknike të tyre të përcaktuara me Vendimin e Këshillit të Ministrave nr. 126, datë 02.03.2022 "Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë", disa prej mallrave nuk mund të gjenden lirisht në treg, por duhet të prodhohen enkas për këtë kontratë, është e domosdoshme që operatori ekonomik të ketë një numër jo më të vogël se 50 punonjës në stafin e tij, prej të cilëve edhe punonjës të kualifikuar për realizimin me sukses të kontratës. Marrë në konsideratë afatin e lëvrimit të mallit, që është 3 (tre) muaj nga data e lidhjes së kontratës dhe llojin e mallit që kërkohet është i nevojshëm që operatori ekonomik pjesëmarrës të ketë në dispozicion punonjësit e kërkuar për realizimin e kontratës.

Stafi kryesor i kërkuar ka këto detyra kryesore:

Inxhinieri i Tekstilit është një inxhinier që në fushën e tij përdor parimet shkencore dhe inxhinierike për të prodhuar produkte tekstili sic janë veshjet. Një inxhinier tekstili është një profesionist që kërkon edhe studion materialet e tekstilit, duke përfshirë fibrat, fijet edhe pelhurat, dizenjon produkte cilësore edhe përcakton teknikë të reja prodhimi. Inxhinieri i Tekstilit mund të punojë në disa fusha që nga fabrikimi i pëlhurave dhe aksesoreve, duke përfshirë kërkim dhe zhvillim, prodhim veshjesh në të gjitha proceset, kontroll të cilësisë edhe menaxhim profesional. Ai mund të përcaktojë materialet e paperpunuara që duhen përdorur për të krijuar veshjet e duhura. Një inxhinier tekstili mund të implementojë edhe mbikqyr proceset e kontrollit të cilësisë për të siguruar përputhshmërinë e produktit me standartet e cilësisë edhe konformitetin e tyre në specifikimet teknike të kërkuara.

Kimist. Roli i Kimistit është i rëndësishëm për të siguruar që materialet dhe proceset e prodhimit të plotësojnë kërkesat funksionale, shëndetësore dhe mjedisore. Ky rol përfshin disa aspekte të rëndësishme si: Përzgjedhja e materialeve, rezistenca dhe qëndrueshmëria. Kimisti ndihmon në përzgjedhjen e perpunimit dhe cilesise se lekure, vlerësimi i cilësisë së lëkurës sipas trashësisë, elasticitetit dhe strukturës, përzgjedhja e lëkurës bazuar në llojin e këpucëve që do të prodhohen (lëkurë e butë për këpucë të rehatshme, lëkurë e fortë për këpucë formale ose të qëndrueshme), eliminimi i pjesëve me defekte si gërvishtje, vrima ose papërsosmëri natyrore, Për të garantuar rehati dhe funksionalitet, kimisti vlerëson materialet që lejojnë ajrosjen dhe përthithjen e djersës. Mbështetja për standartet mjedisore. Materialet duhet të jenë ekologjikisht të pranueshme dhe të përputhen me rregulloret për ndotjen. Vlerësimi i trajtimeve Kimike. Rezistenca ndaj zjarreve, antibakterial dhe higjiena. Testimi i Materialeve. Testet fizike dhe kimike

Përgjegjes/drejtues linje të prodhimit të kepuceve – Detyrat dhe Përgjegjësitë: Përgjegjësi i linjës së prodhimit të kepuceve është një rol kyç në menaxhimin dhe mbikëqyrjen e procesit të prodhimit në një fabrikë perpunimit të lekures. Ky pozicion siguron që prodhimi të jetë efikas, cilësor dhe në përputhje me standartet e kompanisë.

Detyrat kryesore: Planifikimi dhe organizimi i prodhimit; koordinimi i fluksit të punës në linjën e prodhimit; sigurimi që materialet dhe lëndët e para janë të disponueshme për prodhim. Mbikëqyrja dhe menaxhimi i stafit: Drejtimi dhe trajnimi i operatorëve të makinerive dhe punëtorëve të linjës; sigurimi që punëtorët ndjekin procedurat dhe standardet e punës. Kontrolli i cilësisë dhe përputhshmërisë: Inspektimi i kepuceve për defekte dhe sigurimi i standardeve të cilësisë, zbatimi i procedurave të kontrollit të cilësisë në çdo fazë të prodhimit. Mirëmbajtja e makinerive dhe siguria në punë: sigurimi që makineritë të funksionojnë në mënyrë optimale; mbikëqyrja e zbatimit të rregullave të sigurisë për të shmangur aksidentet.

Stilist/modelist dhe prestar lëkure/teknik prestarie. Modelisti, prestari dhe punonjës të tjera të ngjashëm, krijojnë modele pune të përpikta për prodhimin e rrobave dhe tekstileve të tjera, si edhe ato prej lëkure dhe gëzoji. Ai vizon, pret, jep formë dhe stolis tekstile, lëkurë të lehta dhe materiale të tjera në bazë të specifikimeve për prodhimin e veshjeve, kapelave dhe kasketave, dorashkave dhe produkteve të tjera të ndryshme. Prerësi i modeleve kryen rolin e një ndërmjetësi midis stilistit dhe punuesit apo prodhuesit të tekstileve, lëkurës apo të tjera të ngjashme. Modelisti është përgjegjës për koordinimin e çdo detaji dekorativ edhe funksional ndërmjet porositësit edhe prodhuesit, duke organizuar edhe shpjeguar materialet edhe aksesoret e duhur për realizimin në përputhje me standartet e cilësisë. Ata janë personat përgjegjës për porositjen e veshjeve, materialeve bazë edhe ndihmëse. Stilistët/Modelistët janë gjithashtu përgjegjës për adaptimin e interesave të porositësit. Ata konsultojnë edhe këshillojnë prodhuesin për çdo detaj teknik, për realizimin e modeleve të kërkuara. Janë personat përgjegjës për marrjen e masave trupore të klientit edhe përshtatjen profesionale me urdhërin e porosisë tek prodhuesi.

Prestari i lëkurës për këpucë ka një rol të rëndësishëm në industrinë e prodhimit të këpucëve, duke u fokusuar në përpunimin dhe përzgjedhjen e lëkurës për të siguruar cilësi dhe qëndrueshmëri. Funksionet kryesore të një prestari lëkure për këpucë përfshijnë, përdorimi i makinerive ose prerja manuale për të siguruar forma të sakta sipas modelit të këpucës, optimimi i përdorimit të materialit për të shmangur mbetjet e panevojshme, përdorimi i teknikave të ndryshme si lëmimi, stampimi ose teksturimi për të krijuar efekte të veçanta.

Punëtor makinerish përdor makina qepëse dhe pajisjet e duhura për prerje, ngjitje, qepje etj, procese të punës të porosisë së marrë. Numri minimal prej 30 punonjësish makinerishë, është i domosdoshëm për të krijuar dy linja punonjësish prodhimi, sipas proceseve të punës që i ngarkohet gjithësecilit në prodhimin e produktit përfundimtar.

Personeli tjetër ndihmës si shofer/mirëmbajtje dhe punonjës për shpërndarjen, vijnë në ndihmë për transportin dhe shpërndarjen e mallit të kërkuar në vendin e përcaktuar nga autoriteti kontraktor përfitues. Staf i kërkuar është minimal nisur nga sasia, lloji i mallit që do të prodhohet dhe duke marrë parasysh edhe kohen e realizimit të kontratës nga data e nënshkrimit të saj.

4. Operatori ekonomik duhet të ketë të punësuar, sipas nenit 20 të Ligjit nr. 15/2019 “Për nxitjen e punësimit”, (të ndryshuar) personat si më poshtë vijon:

a) një person që i përket grupeve të përcaktuara në nenin 3, pika 4, shkronja “c”, të ligjit të sipërcituar, për 25 punonjësit e parë të ndërmarrjes;
dhe

b) nga një person shtesë, sipas grupeve të përcaktuara në nenin 3, pika 4, shkronja “c”, të ligjit të sipërcitua, për çdo 50 punonjës të tjerë të ndërmarrjes mbi parashikimet e bëra në shkronja “a” të kësaj pike.

ose

c) Punëdhënësi, i cili nuk punëson numrin e përcaktuar të personave, sipas pikës 1 të këtij neni, derdh një kontribut për llogari të Fondit Social të Punësimit në masën 100 për qind të pagës minimale në shkallë vendi për çdo muaj për çdo person që i përket grupeve të përcaktuara në nenin 3, pika 4, shkronja “c”, të këtij ligji, që ai duhet të kishte punësuar sipas këtij neni. Kontributi derdhet nga punëdhënësi dhe pasqyrohet në listëpagesën mujore të sigurimeve shoqërore dhe shëndetësore, të deklaruar në sistemin on-line të Drejtorisë së Përgjithshme të Tatimeve, institucion i cili luan rolin e agjentit tatimor për mbledhjen e kontributit.

Sqarim: Numri minimal i të punësuarve që është kërkuar për këtë lot është 50 punonjës, plotësimi i pikave të mësipërme do të përmbushet nga operatori ekonomik në varësi të numrit të punonjësve të deklaruar në organet tatimore.

Për përmbushjen e këtij kriteri të paraqiten dokumentat:

-Listëpagesat e punonjësve për 3 muajt e fundit, të deklaruar në organet tatimore nga data e hapjes së ofertave, sipas formës së parashikuar nga legjislacioni tatimor në fuqi.

-Një dokument/ kartela personale që vërteton se personi i punësuar ndodhet në kushtet e parashikuara nga neni 3 pika 4 të Ligjit nr. 15/2019 “Për nxitjen e punësimit”, (të ndryshuar), të lëshuar nga autoritetet kompetente.

Shenim: Kriteri nr.4 konsiderohet i përmbushur me plotësimin e formularit të vetëdeklarimit shtojca 10. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentim: Kërkesa e mësipërme është përcaktuar bazuar në nenin 77 pika 4 të ligjit nr. 162, datë 23.12.2020 “Për prokurimin publik” të ndryshuar dhe nenit 25 pika 3/c, të VKM nr. 285, datë 19.05.2021, “Për miratimin e Rregullave të Prokurimit Publik” të ndryshuar, ku përcaktohet se: “Autoritetet/entet kontraktore janë të detyruara që në hartimin e kriterëve të veçanta të kualifikimit, sipas parashikimeve të nenit 77, të LPP-së, si edhe në hartimin e specifikimeve teknike, sipas parashikimeve të nenit 36, të LPP-së, të zbatojnë, përveç këtyre rregullave për prokurimin publik, edhe detyrimet e përcaktuara në legjislacionin përkatës në fushat, si më poshtë: a) Kërkesat minimale të performancës së energjisë, siç përcaktohet në legjislacionin në fuqi për efikasitetin e energjisë dhe për performancën energjetike në ndërtesa, konsumin e energjisë dhe burimeve të tjera të produkteve me ndikim në energji, përfshirë parashikimet për përdorimin e etiketave për produktet me ndikim në energji; b) Specifikimet teknike për produkte të caktuara, siç përcaktohet në aktet ligjore dhe nënligjore të fushës me qëllim përmirësimin e performancës energjetike dhe uljen e ndikimit në mjedis; c) Çdo parashikim tjetër që buron nga legjislacioni mjedisor, energjetik, social dhe i punës.” dhe nenit 20 të Ligjit nr. 15/2019 “Për nxitjen e punësimit”, (të ndryshuar), ku përcaktohet se: “1. Çdo punëdhënës duhet të punësojë: a) një person që i përket grupeve të përcaktuara në nenin 3, pika

4, shkronja “c”, të këtij ligji, për 25 punonjësit e parë të ndërmarrjes; dhe b) nga një person shtesë, sipas grupeve të përcaktuara në nenin 3, pika 4, shkronja “c”, të këtij ligji, për çdo 50 punonjës të tjerë të ndërmarrjes mbi parashikimet e bëra në shkronja “a” të kësaj pike. 2. Punëdhënësi, i cili nuk punëson numrin e përcaktuar të personave, sipas pikës 1 të këtij neni, derdh një kontribut për llogari të Fondit Social të Punësimit në masën 100 për qind të pagës minimale në shkallë vendi për çdo muaj për çdo person që i përket grupeve të përcaktuara në nenin 3, pika 4, shkronja “c”, të këtij ligji, që ai duhet të kishte punësuar sipas këtij neni. Kontributi derdhet nga punëdhënësi dhe pasqyrohet në listëpagesën mujore të sigurimeve shoqërore dhe shëndetësore, të deklaruar në sistemin on-line të Drejtorisë së Përgjithshme të Tatimeve, institucion i cili luan rolin e agjentit tatimor për mbledhjen e kontributit. Procedurat dhe mënyra e derdhjes së kontributit përcaktohen me udhëzim të ministrit përgjegjës për financat.”, ky kriter është vendosur në përputhje me legjislacionin në fuqi, me qëllim nxitjen dhe rritjen e punësimit të “Grupe të veçanta”, të cilët janë punëkërkuar të disavantazhuar në tregun e punës.

5. Operatori ekonomik duhet të paraqesë, në datën dhe orën e hapjes së tenderit, **mostrat e artikujve për lotin 2, të përcaktuar në tabelën e mëposhtme:**

Nr	Emertimi artikullit moster	Nr. i faqes së katalogut të VKM nr. 126, datë 02.03.2022	Njësia matëse	Mostra fizike sasia	Mostra e lëndës së parë të përbërjes së artikullit dhe mostra fizike
1	Kepucë gjysma pune për meshkuj	5348	palë	1	2 (dy) pjesë të lëndës së parë (lëkura e sipërme dhe veshja e brendshme) me përmasa 50 x 50 cm. Mostra fizike 1 pale kepuce
2	Kepucë dimërore (meshkuj/femra)	5352	palë	1	2 (dy) pjesë të lëndës së parë (lëkura e sipërme dhe veshja e brendshme) me përmasa 50 x 50 cm. Mostra fizike 1 pale kepuce
3	Kepucë verore femra	5354	palë	1	2 (dy) pjesë të lëndës së parë (lëkura e sipërme dhe veshja e brendshme) me përmasa 50 x 50 cm. Mostra fizike 1 pale kepuce
4	Çizme dimërore femra	5356	palë	1	2 (dy) pjesë të lëndës së parë lëkura e sipërme dhe veshja e brendshme(astari) me përmasa 50 x 50 cm. Mostra fizike 1 pale çizme

5	Këpucë sportive (Atlete)	5439	palë	1	2 (dy) pjesë të lëndës së parë (lëkura e sipërme dhe veshja e brendshme (astari) me përmasa 50 x 50 cm. Mostra fizike 1 pale atlete
6	Këpucë ceromionale meshkuj	4573	palë	1	2 (dy) pjesë të lëndës së parë (lëkura e sipërme dhe veshja e brendshme) me përmasa 50 x 50 cm. Mostra fizike 1 pale kepuce

Mënyra e dorëzimit të mostrave:

- 1 (një) model fizik për secilin nga artikujt e kërkuar, ku qepja të jetë bërë me fill të kuq, përveç aksesorëve. Mostrat e artikujve duhet të përmbajnë të gjitha aksesorët sipas specifikimeve teknike në VKM nr. 126, datë 02.03.2022.

-1 (një) mostër të lëndës së parë, prej të cilave janë prodhuar mostrat e kërkuara, me përmasa sipas përcaktimeve në tabelën e mësipërme.

-Mostra fizike duhet të ketë etiketen orgjinale të prodhuesit dhe të jenë me ambalazhim fabrike.

-Mostrat duhet të jenë lehtësisht të identifikueshme me numrin rendor përkatës dhe emërtimin e artikullit të vulosur nga ofertuesi, sipas numrit rëndor të tabelës së mësipërme.

-Mostrat do të paraqiten pranë Autoritetit Kontraktor Operatori i Blerjeve të Përqëndruara sh.a në datën dhe orën e hapjes së tenderit, me adresë: Rr “Reshit Çollaku”, Godina Nr.6/337, Tiranë (në krah të Gjykatës së Lartë).

Masat e mostrave të kërkuara si më sipër të jenë për femra numri 40 dhe për meshkuj 45, janë vendosur të tilla me qëllim trajtimin e barabartë të të gjithë operatorëve ekonomikë të interesuar për pjesëmarrje në procedurën e mësipërme.

Mungesa e mostrës si më sipër kërkuar është kusht skualifikues.

Shënim: Në kolonën me shënimin “Nr. i faqes së katalogut të VKM nr. 126, datë 02.03.2022“, për çdo artikull të kërkuar është përcaktuar numri i faqes ku ndodhet artikulli në *Vendimin e Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”*, dhe në faqen vijuese janë specifikimet teknike përkatëse për secilin artikull.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 6, gërma a) të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Autoriteti kontraktor ka gjykuar të arsyeshme paraqitjen e mostrave për artikujt objekt prokurimi, të

përcaktuara në tabelën e mësipërme, duke marrë në konsideratë sasinë e tyre, vlerën e fondit limit, specifikimet e ndryshme që ka secili artikull objekt prokurimi. Fakti që specifikimet teknike janë përcaktuar me Vendimit të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”, tregon për rëndësinë që i kushtohet uniformave të punës apo atyre ceremoniale, për strukturat e ndryshme të Forcave të Armatosura, me qëllim që të sigurohen përdoruesit e tyre për cilësinë e këtyre artikujve. Me anë të këtij kriteri, kërkohet që të verifikohet përputhshmëria e specifikimeve teknike, duke garantuar që produktet e ofruara i përmbushin të gjitha kërkesat teknike dhe funksionale të përcaktuara në vendimin e sipërcituar. Kjo përfshin verifikimin e cilësisë së materialit të produktit final, dimensionet, si dhe karakteristika të tjera që lidhen me aksesoret që kanë këto artikuj, të cilat nuk mund të verifikohen përmes dokumentave të tjerë të kërkuara. Përfshirja e mostrave rrit transparencën dhe objektivitetin, duke i dhënë komisionit të vlerësimit një bazë të qartë për të krahasuar ofertat dhe për të marrë një vendim të drejtë. Mostrat janë kërkuar vetëm për artikujt e përcaktuar në tabelën e mësipërme, pasi pavarësisht strukturës së Forcave të Armatosur që i përkasin, disa prej artikujve kanë të njëjta specifikime teknike. Mostrat i kthehen ofertuesit, me kërkesën e tij, brenda 30 (tridhjetë) ditëve pas nënshkrimit të kontratës, me kusht që kontrata në fjalë të mos jetë objekt i shqyrtimit administrativ apo gjyqësor. Në rastin kur procedura e prokurimit anulohet, mostrat i kthehen ofertuesit, me kërkesën e tij, brenda 30 (tridhjetë) ditëve nga data e marrjes së vendimit përfundimtar të anulimit.

6. Operatori ekonomik duhet të paraqesë dëshmi për rezultatet e testimeve zyrtare (raport/fletë-analizës), që vërtetojnë pajtueshmërinë e produkteve të ofruara me specifikimet teknike, të përcaktuara sipas Vendimit të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”, të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.

Testimet (raport/fletë analiza) do të paraqitet për artikujt si më poshtë:

Nr	Emertimi artikullit muster	Nr. i faqes së katalogut të VKM nr. 126, datë 02.03.2022
1	Kepucë gjysma pune për meshkuj	5348
2	Kepucë dimërore (meshkuj/femra)	5352
3	Kepucë verore femra	5354
4	Çizme dimërore femra	5356
5	Këpucë sportive (Atlete)	5439
6	Këpucë ceromoniale meshkuj	4573

- Materiali i përdorur për testimet zyrtare duhet të jetë detyrimisht e njëjtë me materialin e paraqitur për mostër sipas kriterit nr.5.

Shënim: Në kolonën me shënimin “Nr. i faqes së katalogut të VKM nr. 126, datë 02.03.2022“, për çdo artikull të kërkuar është përcaktuar numri i faqes ku ndodhet artikulli në *Vendimin e Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”*, dhe në faqen vijuese janë specifikimet teknike përkatëse për secilin artikull.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 6, gërma c) dhe neni 44 të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar; nenit 5 pika 1/a të ligjit Nr. 116/2014 “Për akreditimin e organeve të vlerësimit të konformitetit në Republikën e Shqipërisë” të ndryshuar, ku përcaktohet se: “Drejtoria e Përgjithshme e Akreditimit akrediton: a) laborator testues, mjekesor dhe kalibrues”, si dhe Rekomandimit të përbashkët nr.3330, datë 20.03.2028 të Agjencisë së Prokurimit Publik dhe nr.145, datë 16.03.2018 të Drejtorisë së Përgjithshme të Akreditimit “Rekomandim mbi hartimin e kërkesave të cilësisë”. Fakti që specifikimet teknike janë përcaktuar me Vendimin të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë”, tregon për rëndësinë që i kushtohet uniformave të punës apo atyre ceremoniale, për strukturat e ndryshme të Forcave të Armatosura, me qëllim që të sigurohen përdoruesit e tyre për cilësinë e këtyre artikujve. Me anë të këtij kriteri, kërkohet që operatorët ekonomikë të dëshmojnë për rezultatet e testimeve zyrtare (raport/fletë-analizës), nëpërmjet të cilave duhet të vërtetojnë pajtueshmërinë e artikujve që ata ofrojnë me specifikimet teknike të objektit të prokurimit sipas vendimit të sipërcituar. Ky kriter është vendosur, gjithashtu duke iu referuar specifikimeve teknike ku verifikimi i disa elementeve të cilësisë së artikujve mund të verifikohet vetëm nëpërmjet analizave laboratorike për sa i përket lëndës së parë të përdorur për realizimin e produktit final. Fleta e analizës laboratorike garanton që materialet e përdorura për prodhimin e artikujve kepuce i përmbushin specifikimet teknike të kërkuara, ku përfshihen lloji i lëndës së parë të përdorur dhe përbërësve të tjerë ndaj forcave mekanike, ujit, kimikateve apo faktorëve të tjerë që ndikojnë në performancën e produktit final. Fletë analizat sigurojnë që produkti përfundimtar do të jenë të qëndrueshme dhe të përshtatshme për përdorim afatgjatë. Siguria e përdoruesve të produktit përfundimtar, është një tjetër faktor që e bën të domosdoshme kërkesën për analiza laboratorike, duke i garantuar ata që produkti është i sigurt dhe mund të ofrojë mbrojtje adekuate daj rreziqeve të caktuara.

7. Operatori ekonomik duhet të disponojë makinerite si më poshtë:

- makineri prerje automatike- minimalisht 1
- makina qepëse – minimalisht 30 cope
- makineri injektimi dhe montimi (montimi i pjesës së sipërme me pjesën e poshtme të këpucës)- minimalisht 1

Për makineritë dhe pajisjet e deklaruar sipas kësaj pikë të provohet disponueshmëria e tyre në një r mënyrat sipas legjislacionit në fuqi si më poshtë:

- fatura shit - blerje **ose**
- kontrata shit - blerje **ose**
- kontratë qeraje **ose**
- kontratë huapërdorje.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” të ndryshuar dhe nenit 40, pika 5, gërma ç) të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar “Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: ç) mjetet dhe pajisjet teknike që ka në dispozicion apo që mund t’i vihen në dispozicion operatorit ekonomik për të përmbushur kontratën, të nevojshëm për ekzekutimin e objektit të prokurimit.”

- Makineri prerje automatike është një teknologji e avancuar që përdoret për prerjen e materialeve në industrinë e këpucëve, tekstilit dhe sektorë të tjerë të përpunimit të materialeve. Këto makineri funksionojnë me një sistem të kontrolluar dhe sigurojnë prerje precize, të shpejtë dhe me humbje minimale të materialit.

- Makineria qepëse është një pajisje thelbësore në industrinë e rrobaqepësisë dhe përdoret për të bashkuar, qepur dhe përforcuar pjesët e materialeve të lekures. Në prodhimin e uniformave ushtarake dhe policore, makineritë qepëse duhet të jenë të fuqishme, të sakta dhe të përshtatshme për materiale të ndryshme, duke përfshirë edhe lekuren me trashësi të ndryshme.

-Makineri injektimi dhe montimi (montimi i pjesës së sipërme me pjesën e poshtme të këpucës)-minimalisht 1, përdoret për futjen e kallupit të produktit në këtë rast të kepuces që do të prodhohet, në të cilin bëhet lyerja me mastik dhe injektimi i shollave të kepuces.

8. Operatori ekonomik duhet të paraqesë certifikatën të lëshuar nga organizmat e vlerësimit të konformitetit, të akredituara nga organizmi kombëtar akreditues, ose organizma ndërkombëtare akreditues, të njohur nga Republika e Shqipërisë, në përputhje me objektin e prokurimit, si më poshtë:

ISO 9001:2015 “Mbi sistemet e menaxhimit të cilësisë” (e vlefshme) ose ekuivalent;

ISO 14001:2015 “Mbi Sistemet e menaxhimit të mjedisit” (e vlefshme) ose ekuivalent;

ISO 45001:2018 ose të përditësuar ISO 45001:2023 “Për Sistemin e Menaxhimit të Shëndetit dhe Sigurisë në Punë” (e vlefshme) ose ekuivalent.

Argumentimi: Ky kriter është vendosur në përputhje me pikën 1 të nenit 79 të Ligjit nr.162/2020 “Për Prokurimin Publik” i ndryshuar, në të cilin gjejmë të përcaktuar se: 1. Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikatatë lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma

ndërkombëtarë akreditues, të njohur nga Republika e Shqipërisë. Kjo dispozitë zbatohet edhe kur kërkesat teknike u referohen kualifikimeve të kandidatit ose të ofertuesit. Ky kriter gjen mbështetje në piken 1 të nenit 44 të VKM nr 285 date 19.05.2021 “Per Miratimin e Rregullave të Prokurimit Publik” ku përcaktohet se: 1. Autoriteti/enti kontraktor, për të vërtetuar se punët, mallrat ose shërbimet, objekt prokurimi, I plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organisma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit. Sa më sipër, ky kriter shërben për njohjen e kapacitetit të operatorëve ekonomikë ofertues dhe aftësinë e tyre teknike dhe profesionale për të furnizuar artikuj cilësorë dhe që janë prodhuar / vendosur në treg sipas standardit të sipërpërmendur.

ISO 9001 ose ekuivalent përcakton kërkesat për një sistem menaxherial të cilësisë dhe mund të implementohet dhe të certifikohet nga çdo shoqëri, pavarësisht dimensioneve apo fushës së aktivitetit. (e nevojshme për objektin e prokurimit, të cilin AK kërkon të kryhet me cilësi dhe në kohë). Duke parë objektin e prokurimit, autoriteti kontraktor vlerëson të nevojshme të kërkojë që operatorët ekonomikë ofertues të jenë të pajisur me certifikata të cilësisë në përputhje me objektin e prokurimit, me qëllim që furnizimet të kryhen me cilësi sipas certifikatës ISO të mësipërme.

AK Vlerëson të nevojshëm certifikimin e subjekteve ofertues me ISO 14001 ose ekuivalent, me qëllim garantimin se operatori ekonomik gëzon konfirmimet e nevojshme nga organizmi i vlerësimit të konformitetit, se ka ndërmarrë masa proaktive me qëllim minimizimin e ndikimit negativ në mjedis, si dhe zbaton kuadrin rregullator përkatës në fuqi për mbrojtjen e mjedisit. Kjo qasje proaktive ndaj menaxhimit mjedisor mund të rezultojë në përfitime të prekshme, të tilla si reduktimi i mbetjeve, ruajtjes së energjisë dhe kursimeve të kostos.

ISO 45001 ose ekuivalent është një standard ndërkombëtar që specifikon kërkesat për një sistem të menaxhimit të shëndetit dhe sigurisë në punë. Ai siguron një kornizë për organizatat për të menaxhuar rreziqet dhe për të përmirësuar performancën. Përfitimet e këtij kualifikimi; Kuadri për të menaxhuar në mënyrë sistematike rreziqet; Ulja e incidenteve dhe lëndimeve në vendin e punës; Përkushtim i demonstruar për shëndetin dhe sigurinë e punëtorëve.

9. Operatori ekonomik duhet të paraqesë certifikatën OEKO-TEX Standarti 100 të lekures (ose ekuivalente) të prodhuesit të lëndës së parë të artikujve objekt prokurimi, për të vërtetuar se lënda e parë e artikujve të ofruara nuk kanë substanca të dëmshme për shëndetin dhe janë në përputhje me normativat e specifikuara të certifikimit OEKO-TEX ose ekuivalente ose me flete analiza perkatëse për substanca AZO ngjyruar/ekuivalente.

Agrumentimi: Argumentimi: Ky kriter është vendosur në përputhje me parashikimet e nenit 36 dhe nenit 77, të Ligjit Nr.162/2020 “Për Prokurimin Publik” i ndryshuar, si dhe nenit 40 dhe nenit 44 të VKM-së Nr.285/2021 “Për miratimin e rregullave të prokurimit publik” i ndryshuar. Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit

të konformitetit i akredituar nga organizma kombëtarë i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit. Referuar specifikimeve teknike të kësaj procedure prokurimi, Njësia e Prokurimit gjykon se është e domosdoshme paraqitja e certifikatës OEKO-TEX ose ekuivalente, pasi është standarti që përfshin artikujt që kanë kontakt direkt me lëkurën dhe është në përputhshmëri me rregulloren e Bashkimit Europian që synon mbrojtjen e shëndetit të njeriut dhe mjedisit nga efektet e dëmshme të kimikateve (Registration, Evaluation, Authorization and Restriction of Chemicals –REACH), duke përfshirë kufizimet për substanca të caktuara të rrezikshme. Ky standart certifikon produktet, pasi janë të testuara për substanca të dëmshme duke siguruar që të jenë të sigurta dhe të mbrojnë shëndetin e njeriut dhe mjedisin nga kimikatet toksike.

Cdo komponent i një produkti që nga lënda e parë (metrazhi) e deri të aksesoret, duhet të jenë testuar rigorozisht kundër shumë kimikateve toksike. Qëllimi i certifikatës është një praktikë miqësore me mjedisin dhe me përgjegjësi shoqërore që siguron një prodhim të qëndrueshëm, përfshirë etiketimin nga faza e prodhimit e deri në zinxhirin përfundimtar të furnizimit, ndërsa konsideron sigurinë e produktit tek përdoruesi përfundimtar.

STANDARD 100 nga OEKO-TEX® është një nga etiketat më të njohura në botë për tekstilet e testuar për substanca të dëmshme. Ai garanton besimin e klientit dhe sigurinë e lartë të produktit.

Nëse një artikull tekstili mban etiketën STANDARD 100, konfirmon se çdo përbërës i këtij artikulli, d.m.th. çdo fije, buton dhe pajisje të tjera, është testuar për substanca të dëmshme dhe se artikulli është i padëmshëm për shëndetin e njeriut. Testi kryhet nga institutet partnere të pavarura OEKO-TEX® në bazë të katalogut të gjerë të kriterëve OEKO-TEX®.

10. Operatori ekonomik pjesëmarrës, për transportin e mallrave objekt prokurimit duhet të disponojë, mjetet e mëposhtme:

Mjete	Sasia	Gjendja
Mjet për transportin e mallrave	1 copë	Pronësi ose me qera

a) Për mjetet me goma që shënohen në regjistra publikë duhet të paraqitet dokumenti që vërteton regjistrimin e mjetit (leje qarkullimi), plus certifikaten e kontrollit teknik (e vlefshme), siguracionin e mjetit (të vlefshme) dhe certifikata e pronësisë së mjetit.

b) Për mjetet e siguruar me qera, duhet të paraqitet dokumenti që vërteton regjistrimin e tij (leje qarkullimi), plus certifikaten e kontrollit teknik (e vlefshme), siguracionin e mjetit (të vlefshme), dhe certifikata e pronësisë së mjetit duhet të shoqërohet me kontratën perkatese të qerave.

Shenim: Kriteri nr.10 konsiderohet i përmbushur me plotësimin e formularit të vetëdeklarimit shtojca 10. Dokumentat e kërkuara më sipër do të paraqiten në rast se operatori kualifikohet i pari, por përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga autoriteti kontraktor.

Argumentimi: Në bazë të nenit të 77, të ligjit nr. 162, datë 23.12.2020 “Për Prokurimin Publik” (i ndryshuar) dhe nenit 40, pika 5/ç, të VKM nr.285, datë 19.05.2021 “Për Miratimin e Rregullave të Prokurimit Publik” (e ndryshuar), me anë të këtij kriteri kërkohet që operatorët ekonomikë të sigurojnë Autoritetin

Kontraktor se kanë mjete në dispozicion dhe se do të kryejnë transportin e mallrave objekt prokurimi, në adresat e përcaktuara nga Autoriteti Kontraktor përfitues. Ky kriter është vendosur si siguri, që operatori ekonomik do të kryejë shërbimin e transportit në kohë me qëllim realizimin me sukses të kontratës. Kërkesa për minimumi një mjet është vendosur në propocion me sasinë e mallit që kërkohet dhe vendodhjen e Autoritetit Kontraktor përfitues, ku do të depozitohet malli objekt prokurimi.

11. Operatori ekonomik duhet të lëshojë një deklaratë për periudhën minimale 1 vjecare të garancisë së mallrave objekt prokurimi nga data e dorëzimit të mallit, gjatë së cilës merr përsipër zëvendësimin e artikujve veshmbathje, brenda afatit të garancisë, për difekte që vijnë si rrjedhojë e procesit teknologjik të lëndëve të para e ndihmëse që përdoren.

Argumentimi: *Kërkesa e mësipërme është përcaktuar bazuar në nenin 77 të Ligjit nr. 162, datë 23.12.2020 "Për Prokurimin Publik" të ndryshuar dhe nenin 40 pika 8 të VKM nr. 285, datë 19.05.2021 "Për miratimin e Rregullave të Prokurimit Publik", të ndryshuar. Me anë të këtij kriteri, autoriteti kontraktor kërkon të sigurohet se, operatori ekonomik do të garantojë se mallrat e ofruara janë cilësore dhe sipas standarteve të kërkuara në dokumentet e tenderit, duke u bazuar në specifikat e punës që kryen personeli që do t'i përdorë, kushtet e punës, imazhin e autoriteti kontraktor. Në rast operatori ekonomik duhet të mbajë përgjegjësi për mallat që ofron dhe se do t'i përgjigjet autoritetit kontraktor në rast se malli i furnizuar dëmtohet gjatë përdorimit për shkak të difekte që vijnë si rrjedhojë e procesit teknologjik të lëndëve të para e ndihmëse që përdoren.*

Shënim: Operatori ekonomik ofertues në më shumë se një Lot, duhet të ketë kapacitetet ekonomike – financiare (pika 1 e seksionit 2.2, të kriterëve të veçanta për kualifikim) si dhe kapacitetet teknike (pika 1 të seksionit 2.3, të kriterëve të veçanta për kualifikim), sa shuma e loteve për të cilat ka ofertuar, të marra së bashku. Në rast se dokumentacioni i deklaruar dhe i dorëzuar në përmbushje të kriterëve kumulative nuk plotësohet për të gjitha Lotet ku operatori ekonomik ka ofertuar, OE ofertues kualifikohet vetëm në lotin/et në të cilin/et oferta e tij është ekonomikisht më e favorshme.

Shënim: Në rast të bashkimit të operatorëve ekonomikë, secili prej anëtarëve të këtij bashkimi duhet të përmbushë kërkesat e parashikuara në nenin 76, të LPP-së, dhe ato të përcaktuara në dokumentet e tenderit. Kërkesat për kualifikim: ekonomike, financiare, profesionale dhe ato teknike, duhet të përmbushen nga i gjithë bashkimi, në përputhje me përqindjen e pjesëmarrjes në furnizim, të përcaktuara në aktmarrëveshje.

Shënim: Bazuar në nenin 82 pika 4 të të Ligjit nr. 162, datë 23.12.2020 "Për Prokurimin Publik" të ndryshuar, në rastin e operatorëve ekonomikë të huaj, dokumentet duhet të paraqiten në formën e kërkuar nga legjislacioni në fuqi për njohjen e dokumentacionit. Në raste të dokumenteve që nuk lëshohen në vendin e origjinës, ky fakt duhet të provohet prej operatorëve ekonomikë.

Shënim: Bazuar në nenin 14 pika 2 të të Ligjit nr. 162, datë 23.12.2020 "Për Prokurimin Publik" të ndryshuar, grupe operatorësh ekonomikë mund të dorëzojnë oferta ose të paraqiten si një kandidat i vetëm sipas parashikimeve në rregullat e prokurimit publik. Autoriteti ose enti kontraktor nuk duhet

t'i kërkojë një formë të veçantë ligjore bashkimit të shoqërive, për qëllim të dorëzimit të ofertës ose kërkesës për pjesëmarrje. Autoritetet ose entet kontraktore mund t'u kërkojnë grupeve të operatorëve ekonomikë që të marrin një formë ligjore specifike, pasi të jenë shpallur fitues, nëse vlerësohet e nevojshme për realizimin e kontratës. Në çdo rast, ky kusht duhet t'u bëhet i ditur operatorëve ekonomikë në dokumentet e tenderit për ekzekutimin e kënaqshëm të kontratës.

Nëse oferta dorëzohet nga një bashkim operatorësh ekonomik, duhet të dorezohen vetëm nga operatori ekonomik që është shpallur fitues:

a. Marrëveshja e noterizuar sipas së cilës bashkimi i operatorëve ekonomikë është krijuar zyrtarisht;

Të gjitha dokumentet duhet të jenë origjinale ose kopje të noterizuara.

Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

Kriteret për kualifikim vendosen që t'i shërbejnë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës.

II. Argumentimi i specifikimeve teknike :

Specifikimeve teknike për artikujt objekt prokurimi janë të përcaktuara me Vendimit të Këshillit të Ministrave nr. 126, datë 02.03.2022 “Për miratimin e modelit të uniformave ushtarake, gradave, simboleve, stemave e flamujve dekorativë të strukturave dhe shenjave të tjera dalluese të uniformës ushtarake, që mbajnë Forcat e Armatosura të Republikës së Shqipërisë” në përputhje me parashikimet e nenit 4, pika 38/b dhe nenit 36, të LPP i ndryshuar, si dhe nenit 40, pika 1, të VKM nr. 285, datë 19.05.2021, “Për miratimin e rregullave të prokurimit publik”, duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tij/saj”.

NJËSIA E PROKURIMIT